

四庫全書

經部

欽定四庫全書

經部

爾雅注疏

目錄
卷一
序

詳校官國子監祭酒臣覺羅喜善

洗馬臣王坦修覆勘

覆校官庶吉士臣徐立綱

校對官主事臣龔敬身

謄錄監生臣李廷讓

欽定四庫全書

經部十

爾雅注疏

小學類一 訓詁之屬

目錄

爾雅注解傳述人 爾雅注疏序 爾雅注序

卷一

釋詁

卷二

釋言

卷三

釋訓

釋親

卷四

釋宮

釋器

卷五

釋樂

釋天

卷六

釋地

釋丘

卷七

釋山

釋水

卷八

釋草

卷九

釋木

釋蟲

卷十

釋魚

釋鳥

卷十一

釋獸

釋畜

臣等謹案爾雅注疏十一卷晉郭璞注宋邢
昺等疏治爾雅者自捷為文學而下共十餘
家璞蒼萃為注陸德明謂其治聞強識為世
所重自是以後為解義者甚多釋文而外傳
者甚少晁公武曰舊有孫炎高璉疏以其淺
畧命昺等別著此書其後若陸佃之埤雅羅

願之爾雅翼又因邢疏而廣之者也明刻本
不載釋文今補入又取鄭樵注本參校是正
為多皆乾隆四年奉

勅校定本也乾隆四十一年五月恭校上

總纂官臣紀昀 臣陸錫熊 臣孫士毅

總校官 臣陸費墀

爾雅注疏目錄

欽定四庫全書

爾雅注解傳述人

唐國子博士兼太子中允贈齊州刺史吳縣開國男陸德明錄
爾雅者所以訓釋五經辯章同異實九流之通路百
氏之指南多識鳥獸草木之名博覽而不惑者也爾
近也雅正也言可近而取正也釋詁一篇蓋周公所
作釋言以下或言仲尼所增子夏所足叔孫通所益
梁文所補張揖論之詳矣前漢終軍始受豹鼠之賜

自茲迄今斯文盛矣先儒多為億必之說乖蓋闕之
義惟郭景純洽聞強識詳悉古今作爾雅注為世所

重今依郭本為正捷為文學注三卷

一云捷為郡文學卒史臣舍人

漢武帝時待詔關中卷

劉歆注三卷

與李巡注正同疑非歆注

樊光注六卷

京兆人後漢中散大夫沈旋疑非光注

李巡注三卷

汝南人後漢中黃門

孫炎注

三卷

音一卷

郭璞注三卷

字景純河東人東晉弘農太守著作郎音一卷圖贊二卷

梁有沈旋

約之子

集眾家之注陳博士施乾國子祭酒

謝嶠舍人顧野王並撰音既是名家今亦采之附於

先儒之末



爾雅注解傳述人

欽定四庫全書

爾雅注疏序

翰林侍講學士朝請大夫守國子祭酒上柱國賜紫金魚袋臣邢昺等奉勅校定

夫爾雅者先儒授教之術後進索隱之方誠傳注之濫觴為經籍之樞要者也夫混元闢而三才肇位聖人作而六藝斯興本乎發德於中將以納民於善洎夫醇醜既異步驟不同一物多名係方俗之語片言殊訓滯今古之情將使後生若為鑽仰繇是聖賢間出

詰訓邁陳周公倡之於前子夏和之於後蟲魚草木
爰自爾以昭彰禮樂詩書盡由斯而紛郁然又時經
戰國運歷挾書傳授之徒寢微發揮之道斯寡諸篇
所釋世罕得聞惟漢終軍獨深其道豹鼠既辨斯文
遂隆其後相傳乃可詳悉其為注者則有捷為文學
劉歆樊光李巡孫炎雖各名家猶未詳備惟東晉郭
景純用心幾二十年注解方畢甚得六經之旨頗詳
百物之形學者祖焉最為稱首其為義疏者則俗間

有孫炎高璉皆淺近俗儒不經師匠今既奉勅校定
考案其事必以經籍為宗理義所詮則以景純為主
雖復研精覃思尚慮學淺意疏謹與尚書駕部員外
郎直祕閣臣杜鎬尚書都官員外郎祕閣校理臣舒
雅太常博士直集賢院臣李維諸王府侍講太常博
士兼國子監直講臣孫奭殿中丞臣李慕清大理寺
丞國子監直講臣王煥大理評事國子監直講臣崔
偓佺前知洺州永年縣事臣劉士元等共相討論為

之疏釋雖上遵睿旨共竭於顛蒙而下示將來尚慙
於疏略謹序

爾雅注疏序

爾雅注序

晉郭璞撰 唐陸德明音義 宋邢昺疏

爾雅序疏

爾雅者釋文云所以訓釋五經辨章同異實九經之通路百氏之指南多識鳥獸草

木之名博覽而不惑者也爾近也雅正也言可近而取正也釋詁一篇蓋周公所作釋言以下或言仲尼所增子夏所足叔孫通所益梁文所補張揖云昔在周公繼述唐虞宗翼文武克定四海勤相成王踐阼理政日昃不食坐而待旦德化宣流越裳來貢嘉禾貫桑六年制禮以導天下著爾雅一篇以釋其義傳乎後學歷載五百墳典散落唯爾雅常存禮三朝記哀公曰寡人欲學小辯以觀於政其可乎孔子曰爾雅以觀於古足以辯言矣春秋元命包言子夏問夫子作春秋不以初哉首基為始何是以知周公所造

也率斯以降超絕六國越踰秦楚爰暨帝劉魯人叔孫通撰置禮記文不違古今俗所傳三篇爾雅或言仲尼所增或言子夏所益或言叔孫通所補或言是沛郡梁文所著皆解家所說先師口傳既無正驗聖人所言是故疑不能明也夫爾雅為書也文約而義固其陳道也精研而無誤真七經之檢度學問之階路儒林之楷素也序與緒音義同釋詁云叙緒也言已注述之由叙陳此經之旨若繭之抽緒耳孔子作書序子夏作詩序故郭氏亦謂之序序之大指凡有五焉初自夫爾雅者至辯同實而殊號者也明此書之用也二自誠九流之津涉至摛翰者之華苑也言為群經之樞要也三自若乃至莫近於爾雅言其博物他書不之過也四自爾雅者至其業亦顯明其興隆之時也五自英儒瞻聞之士至末總序已所以作注之意也今各依文解之

夫爾雅者所以通詁訓之指歸叙詩人之興詠總絕代

之離詞辯同實而殊號者也音義

夫音符爾字又作邇雅字亦作疋詁音古

又音故興許應反總字孔反

疏

此明其用也夫者發語辭亦指示語指此爾雅者所以通詁訓之指歸也

詁古也通古今之言使人知也訓道也道物之貌以告人也指歸謂指意歸鄉也言此書所以通暢古今之言訓道百物之貌使人知其指意歸鄉也若言初哉首基者其指歸在始也若言番番矯矯者其指歸在勇也略舉一隅他皆放此云叙詩人之興詠者叙次叙也鄭玄注周禮大司樂云興者以善物喻善事又注大師云興者見今之美嫌於媚諛取善事以喻勸之鄭司農云興者托於事物詠者永言也故舜典云歌永言孔注云歌詠其義以長其言又詩序云言之不足故嗟歎之嗟歎之不足故詠歌之斯皆詩人所為此書能次序之故言

叙詩人之興詠也若言雍雍皆以興民協服也其虛其徐以詠威儀容止也如此之類皆是索爾雅所釋編解六經而獨云叙詩人之興詠者以爾雅之作多為釋詩故毛公傳詩皆據爾雅謂之詁訓傳益亦此意也云總絕代之離詞者總聚也絕代謂遠代也離詞猶異詞也郭璞序方言云標六代之絕語類離詞之指韻亦猶此也以其六代絕遠四方乖越故今古語異夷夏詞殊此書能總聚而釋之使人知也若其釋又祭也周曰釋商曰彤夏曰復昨及注引方言之類是也云辯同實而殊號者也者辯謂辯別事物雖殊其號而同一實者此書辯之若繫謂之置置置也置謂之罕罕覆車也又釋草云唐蒙女蘿女蘿菟絲注云別四名如此之類是也

誠九流之津涉六藝之鈐鍵學覽者之潭奧搞翰者之

華苑也

音義

鈐其廉反鍵字又作捷其展反字林巨偃反銳也一曰鐔也廣雅云鍵壯也小爾雅

云鍵謂之鑰方言云鑰也自關而東陳楚之間謂鑰為
鍵或一音巨言反潭徒南反與烏報反搞勅知反說文
云舒也翰寒半反華 疏此明其樞要也云誠九流之津
胡瓜反苑於阮反 涉者誠實也九流者序六藝為
九種言於六經若水之下流也津涉者濟渡之處名言
九流之多非此書無以通喻九河之廣非津涉無以渡
案漢書藝文志云儒家者流五十三家八百三十五篇
蓋出於司徒之官助人君順陰陽明教化者也游文於
六經之中留意於仁義之際祖述堯舜憲章文武宗師
仲尼以重其言於道最為高孔子曰如有所譽其有所
試唐虞之隆殷周之盛仲尼之業已試之效者也然惑
者既失精微而僻者又隨時抑揚違離道本苟以譁衆
取寵後進循之是以五經乖析儒學寔衰此僻儒之患
也道家者流三十七家九百九十三篇蓋出於史官歷
記成敗存亡禍福古今之道然後知秉要執本清虛以
自守卑弱以自持此人君南面之術也合於堯舜之克

讓易之謙謙一謙而四益此其所長也陰陽家者流二十一家三百六十九篇益出於羲和之官敬順昊天歷象日月星辰教授民時此其所長也法家者流十二家二百一十七篇益出於理官信賞必罰以輔禮制易曰先王以明罰勅法此其所長也名家者流七家三十六篇益出於禮官古者名位不同禮亦異數孔子曰必也正名乎名不正則言不順言不順則事不成此其所長也墨家者流六家八十六篇益出於清廟之守茅屋采椽是以貴儉養三老五更是以兼愛選士大射是以上賢宗祀嚴父是以右鬼順四時而行是以非命以孝視天下是以上同此其所長也從橫家者流十二家百七篇益出於行人之官孔子曰誦詩三百使於四方不能專對雖多亦奚以為又曰使乎使乎言其當權事制宜受命而不受辭此其所長也雜家者流二十家四百三篇益出於議官兼儒墨合名法知國體之有此見王治之無不貫此其所長也農家者流九家百一十四篇益

出於農耒之官播百穀勸耕桑以足衣食故八政一曰食二曰貨孔子曰所重民食此其所長也此九流之大旨也云六藝之鈐鍵者案漢書藝文志六藝謂易書詩禮樂春秋六經也凡六藝一百三家三千一百二十三篇說文鈐鑲也方言云戶鑰自闕之東陳楚之間謂之鍵小爾雅云鍵謂之鑰言此書為六藝之鑰鑰必開導之然後得其微旨也故云六藝之鈐鍵也云學覽者之潭與者潭淵也室中西南隅謂之奧言隱奧也此書釋二儀之形象載八表之昏荒雖博學廣覽之士莫能究淵深隱奧故云學覽者之潭與也云搗翰者之華苑也者言此書森羅萬有純粹六經搗文染翰之士凡以掇其英華若園苑然故云華苑也

若乃可以博物不惑多識於鳥獸草木之名者莫近於爾雅音義

近如字又音疏此言其博物也云若乃者因上起下語附近之近上既言其功用此復美其博物故云若

乃既可以博釋庶物又能多識辯於鳥獸草木之名者莫近於爾雅言爾雅最近之也案公羊傳說春秋功德云撥亂世反諸正莫近於春秋何休云莫近猶莫過之也然則博物多識他書亦莫過於爾雅也

爾雅

者蓋興於中古隆於漢氏豹鼠既辯其業亦顯音義

丁中

仲反又如字中古謂疏此言興隆之時也云蓋興於中周公也豹百教反古者爾雅之作經傳莫言其人

及時世但相傳云周公作之以教成王無正文故云蓋以疑之經典通以伏羲為上古文王為中古孔子為下古周公文王子父統子業周公亦可為中古故云蓋興於中古云隆於漢氏者以夫子後後書紀散亡戰國陵遲嬴秦燔滅則此書亦從而墜矣洎乎漢氏御宇旁求典籍除挾書之律開獻書之路此書亦從而隆矣故云隆於漢氏也云豹鼠既辯其業亦顯者謂漢武帝時孝廉卽終軍既辯豹文之鼠人服其博物故爭相傳授爾

雅之業於是遂顯言不但
興行兼亦廣顯故云亦也
英儒瞻聞之士洪筆麗藻之

客靡不欽玩耽味為之義訓璞不揆禱昧少而習焉沈

研鑽極二九載矣雖注者十餘然猶未詳備竝多紛謬

有所漏略是以復綴集異聞會粹舊說考方國之語采

謠俗之志錯綜樊孫博闡羣言剴其瑕礫塞其蕭糧事

有隱滯援據徵之其所易了闕而不論別為音圖用法

未寤輒復擁篲清道企望塵躅者以將來君子為亦有

涉乎此也音義

瞻時豔反玩五貫反耽丁南反璞普剝
反揆巨癸反禱徒刀反禱杌也少詩照

反沈直金反研五堅反鑽子官反注之戍反紛芳云反
謬靡幼反鄭注禮記云誤也方言云詐也本或作繆音
同復扶又反綴丁衛反又丁劣反會古外反周禮注云
計也本又作檜音同廣雅云檜收也粹子外反又子骨
反聚也謠音遙綜子宋反剗丁悅反說文云剗也廣雅
云剗也又都活反瑕戶加反反玉翳也礫力的反說文云
小礫石蹇字又作攙居屐反又去虔反拔也蕭先遼反
稂音郎稂童梁穢禾草也詩云不稂不莠隱於謹反滯
直例反援音袁引也易以豉反了本亦作憭音同照察
也祛去魚反寤五故反彗字又作彗似稅反又囚醉反
一音息遂反說文云掃竹也企邱豉反躅本又作躅直
錄反漢書音義躅迹也韋昭音擢云三輔謂牛蹄迹為
躅鄭氏音拘擢案疏此言已所以作注之意也云英儒
字林擢音竹足反躅聞之士者案禮辭名記德過千
人曰英儒者柔也能以德柔服人也躅多也士者有德
之稱言英俊道儒多聞之士也云洪筆麗藻之客者洪

大也麗美也藻水藻也有文以喻人之文章言大有詞
筆美於文章之客也云靡不欽玩耽味為之義訓者靡
無也欽玩猶敬愛也耽味猶樂嗜也言英儒等無不敬
愛此書如耽廣樂嗜嘉肴然故曰耽味而為之義理訓
解謂作注也云璞不揆禱昧少而習焉者此自謙也揆
度也禱謂禱杙無知之貌昧闇也郭氏言已不度其無
知闇昧自少小而習此書焉云沈研鑽極二九載矣者
此言用力深不敢苟為注解也謂深沈研覈鑽求窮極
凡十八載故云二九載矣云雖注者十餘然猶未詳備
者言作注者雖十有餘家猶尚未能精詳具備十餘家
者陸德明叙錄捷為文學注二卷劉歆注三卷樊光注
六卷李巡注三卷孫炎注三卷惟此五家而已又五經
正義援引有某氏謝氏顧氏今郭氏言十餘者典籍散
亡未知誰氏或云沈旋施乾謝澆顧野王者非也此四
家在郭氏之後故知非也云竝多紛繆有所漏略者言
十家所注竝多紛紜錯繆若孫叔然觀髣髴離字別為

義是紛繆也其所難解則全不入根節是漏略也云是以復綴集異聞會粹舊說者是以者因前起後語因前十家所注紛紛漏略起已作注之意故言是以對前已有注故云復綴集謂聯綴聚集異聞者注所引六經子史之類是也會粹者廣雅云會收也粹聚也舊說謂十家所說也雖不能盡善亦時有可觀其所善者則收聚用之也云考方國之語者考成也四方之國言語不同有可通釋者則援引考成之注引方言是也云采謠俗之志者采取也徒歌謂之謠案漢書地理志云好惡取舍動靜亡常隨君上之情欲故謂之俗但童謠嬉戲之言及俗聞有所記志可以通此書者亦采用之若樸摭注引齊人諺曰上山斫檀揆揆先殫蠟蛸注云俗為喜子之類是也云錯綜樊孫者謂交錯綜聚樊光孫奕二家之注取其理長者用之云博闕羣言者闕通也羣言謂子史及小說也言非但援引六經亦博通此子史等以為注說也云剟其瑕礫寧其蕭稂者此喻已作注去

惡取善也剝其瑕礫以玉石喻也剝削去其疵瑕瓦礫以取瑾瑜也蹇其蕭稂以禾莠喻也蹇拔也蕭蒿也稂童梁莠類也拔去其蕭蒿稂莠以存其嘉禾也云事有隱滯援引據徵之者援引也徵成也若事有隱奧滯沉者則援引經據以證成之也云其所易了闕而不論者謂通見詩書不難曉了者則不須援引故闕而不論也云別為音圖用祛未寤者謂注解之外別為音一卷圖贊二卷字形難識者則審音以知之物狀難辯者則披圖以別之用此音圖以祛除未曉寤者故云用祛未寤也云輒復擁篲清道企望塵躅者此郭氏自問也擁手持也篲帚也清道謂清潔道塗也企望者企踵而瞻望也塵躅者塵路躅跡也言已注此書若人持帚以清道企踵而望其芳塵美跡所以然者何謂是自問也云以將來君子為亦有涉乎此也者此亦答也言已注此書非他以為將來有德君子之為必欲研覈百氏探討九流非爾雅不可必涉歷此途若其注釋未備則恐迷誤後

欽定四庫全書

序

人作注之由
良為此也

爾雅注序

欽定四庫全書

爾雅注疏卷一

原目卷上

晉郭璞注

唐陸德明音義 宋邢昺疏

爾雅郭璞注

疏

璞字景純河東人東晉弘農太守著作郎注者也

也詩書謂之傳者傳傳也博識經意傳示後人也此皆其人自題故或言傳或言注無義例也

釋詁第一音義

詁音古又音故樊光李廵本作故說文云詁故言也字林同張揖雜字云

詁者古今之異語也

疏

釋解也詁古也古今異言解之使人知之釋言則釋詁之別故爾雅序篇云釋

詰釋言通今之字古與今異言也第次也一數之始也以其作最在先故為第一此篇相承以為周公作但其文有周公後事故先儒共疑焉或曰仲尼子夏所增足也或曰當周公時有之今無者或在散亡之中然則詩書所有非周公所釋乃後人依放故言雅記而為之文故與之同郭氏因即援據以成其義若言胡不承權輿及緇衣之篇兮此秦康鄭武之時在周公之後明矣其義猶今為文採摭故事以為辭耳則此篇所載悉周公時所有何足怪也其諸篇所次舊無明解或以為有親必須宮室宮室既備事資器用今謂不然何則造物之始莫先兩儀而樂器居天地之先豈天地乃樂器所資乎蓋以先作者居前增益者處後作非一時故題次無定例也其篇之名義逐篇具釋此不繁言此書之作以釋六經之言而字別為義無復章句今而作疏亦不分科段所解經文若其易了及郭氏未詳者則闕而不論其稍難解則

援引經據及諸家之說以證之郭氏之注多采經記
若其通見可曉者則但指篇目而已其或書名辭異
義旨隱奧者則具載
彼文以祛未寤者耳

初哉首基肇祖元胎俶落權輿始也注尚書曰三月哉

生魄詩曰令終有俶又曰俶載南畝又曰訪予落止又

曰胡不承權輿胚胎未成亦物之始也其餘皆義之常

行者耳此所以釋古今之異言通方俗之殊語音義
子哉

來反亦作裁肇音趙胎天才反孫炎大才反本或作台
俶字又作俶尺叔反權巨員反輿音余令力政反胚字
又作胚同普才反又匹尤反淮南子及文子並文
婦孕三月而胚說文云胚婦孕一月也胚疑血
疏皆
初

始之異名也初者說文云從衣從刀裁衣之始也哉者古文作才說文云草木之初也以聲近借為哉始之哉首者頭也身之始也基者說文云牆始築也肇者說文作肇始開也祖者宗廟之始也元者善之長也長即始義胎者人成形之始也倣者動作之始也落者木葉墮墜之始也權輿者天地之始也天圓而地方因名云此皆造字之本意也及乎詩書雅記所載之言則不必盡取此理但事之初始俱得言焉他皆倣此注云尚書曰三月哉生魄者康誥文云詩曰令終有倣者大雅既醉文又曰倣載南畝者周頌載芟文又曰訪予落止者周頌訪落文又曰胡不承權輿者秦風權輿文云胚胎未成亦物之始也曰胡不承權輿者秦風權輿文云胚胎未成亦物之始也然則尚未成形而為形之始故曰胚胎未成亦物之始物則形也云其餘皆義之常行者耳者謂初首基肇祖元也通見詩書故曰義之常行云此所以釋古今之異言通方俗之殊語者揚雄說方言云皆古今語也

初別國不相往來之言也今或同而舊書雅記故俗語不失其方而後人不知故為之作釋也郭彼注云謂作釋詰釋言是也

林丞天帝皇王后辟公侯君也注詩曰有壬有林又曰

文王丞哉其餘義皆通見詩書音義丞本又作蒸同之仍反辟必亦反壬

而心反見賢遍反下疏皆天子諸侯南面之君異稱也迄卷終注悉放此白虎通云君羣也羣下之所歸

心也林者說文云平地有叢木曰林丞者左傳云天生丞民樹之以君而司牧之然則人物之衆必立君長以

司牧之故以林丞為君也天者說卦云乾為天為君以其俱尊極故也大雅皆謂君為天是也帝皇者白虎通

云德合天地者稱帝帝者諦也象可承也皇美也大也天之總美大稱也時質故總稱之號之為皇煌煌人莫

違也王者往也天下所歸往說文云后者繼體君也象人之形施令以告四方故尸之從一口發號者君后也辟者法也為下所法則也公者通也公正無私之意也侯者侯也侯逆順也天帝皇王惟謂天子公侯惟謂諸侯餘皆通稱注云詩曰有壬有林者小雅賓之初筵文又曰文王烝哉者大雅文王有聲文云其餘義皆通見詩書者謂天帝皇王后辟公侯皆義之常行故不備引

弘廓宏溥介純夏撫厖墳嘏丕奕洪誕戎駿假京碩濯
訐宇穹壬路淫甫景廢壯冢簡筓旼旻將業蓆大也注
詩曰我受命溥將又曰亂如此撫為下國駿厖湯孫奏
假王公伊濯訐謨定命有壬有林厥聲載路既有淫威

廢為殘賊爾土宇賑章緇衣之蓆兮廓落宇宙穹隆至極亦為大也筭義未聞尸子曰此皆大有十餘名而同

一實音義

宏戶萌反溥音普介音界夏戶雅反懶火吳反下同厖亡江反又亡項反方言云厖深之

大也墳符云反馥古雅反丕字又作丕同普悲反奕以昔反誕音但駿子浚反又荀閔反假古雅反濯直角反訐本又作盱同香于反穹起弓反壯側狀反筭郭陟孝反顧野王都角反說文云草大也孫都耗反賑沈旋蒲板反此依詩讀也孫郭方滿反字林方但方旦二反施乾蒲滿反顧音板又普姦普練二反陞舊音之日反本又作至又作胙顧音充疏此皆廣大之異言也弘者舍尸反蓆音席謨亡乎反疏容之大也周書洛誥云武王弘朕恭廓者方言云張小使大謂之廓宏者書曰若保宏父介者方言云東齊海岱之間謂之介純者魯頌闕

官云天錫公純嘏夏者方言云自關而西秦晉之間凡物之壯大而愛偉之謂之夏厖者深之大也墳嘏者方言云墳地大也青幽之間凡土而高且大者謂之墳秦晉之間凡物壯大謂之嘏丕者書云嘉乃丕績奕者詩大雅韓奕云奕奕梁山洪者書大誥云延洪惟我幼冲人誕者大雅生民云誕彌厥月戎者方言云宋魯陳衛之間謂之嘏或曰戎京碩濯訏者秦晉之間凡人大謂之奕燕之北鄙齊楚之郊或曰京齊宋之間曰碩荆吳揚甌之郊曰濯中齊西楚之間曰訏此皆謂大方俗之殊語也甫者詩齊風云無田甫田景者周頌潛篇云以介景福壯者秦晉之間凡人大謂之奕或謂之壯冢者舍人曰冢封之大也大雅緜篇云乃立冢土簡者周頌執競云降福簡筍者郭云義未聞顧氏云都角切說文云草大也韓詩云筍彼圃田將者周頌云日就月將業者版之大也大雅靈臺云虞業維樅餘皆見注注詩云我受命溥將者商頌烈祖文又曰亂如此撫者小雅

巧言文云下國駿尻者商頌長發文云湯孫奏假者商頌那篇文云王公伊濯者大雅文王有聲文云訃謨定命者大雅抑篇文云有壬有林者小雅賓之初筵文云厥聲載路者大雅生民文云既有淫威者周頌有客文云廢為殘賊者小雅四月文云爾土宇旼章者大雅卷阿文云緇衣之蓆兮者鄭風緇衣文云廓落宇宙穹隆至極亦為大也者廓落大貌四方上下曰宇說文云宙舟輿所極也穹隆天之形也郭氏讀旼為至故云至極是廓宇穹旼亦為大也云尸子曰此皆大有十餘名而同一實者漢書藝文志云尸子二十篇注曰名佼魯人秦相商君師之歿死佼逃入蜀紫尸子廣澤篇云墨子貴兼孔子貴公皇子貴表田子貴均列子貴虛料子貴別圓其學之相非也數世矣而已皆奔於私也天帝皇而實一也若使兼公虛均衷平易別圓一實也則無相非也以其數字皆訓為大故引之也周公作詁必以始

也君也大也居先者始者無先之稱君者至尊之號大則無所不包故先言之一曰此三者天也人也地也易乾卦云萬物資始坤卦云直方大老子云域中有四大王居其一焉故以此三者為先乾坤相對之物而以地在人後者以人居天地之中且尊尚人君故進之自此而下隨便即言無義例也

幟旆有也注二者又為有也詩曰遂幟大東疏二者又

大有也成十六年左傳云民生敦旆言人生聚豐厚大有也云詩曰遂幟大東魯頌闕官文也案今詩本作遂

荒此言遂幟者所見本異也或當在齊魯韓詩

迄臻極到赴來弔艘格戾懷推詹至也注齊楚之會郊

曰懷宋曰屆詩曰先祖于推又曰六日不詹詹推皆楚

語方言云音義

迄許訖反臻側巾反弔如字又音的艘

更伯反字或作格戾力帝反摧昨

疏迄者自古至今也

雷反又祖雷反詹音占屆音界

大雅生民云以迄

于今臻者詩邶風泉水云邁臻于衛言疾至於衛也極

者窮盡之至也樂記云及夫禮樂之極乎天而蟠乎地

言禮樂之道上至於天下委於地也到者自遠而至也

大雅韓奕云靡國不到赴者趨而至也雜記云凡赴於

君來者自彼至我也春秋經曰祭伯來言至魯也弔者

小雅天保云神之弔矣艘讀為屆屆格戾懷摧詹皆方

俗語注云齊楚之會郊曰懷宋曰屆屆格戾懷摧詹皆方

先祖于摧者大雅雲漢文又曰六日不詹者小雅采綠

文云詹摧皆楚語方言云者案方言云假格懷摧詹戾

艘至也邠唐冀兗之間曰假或曰格齊楚之會郊或曰

懷摧詹戾楚語也艘宋語也皆古雅之別語也

今則或同是也○假音駕格古格字艘古屆字

欽定四庫全書

爾雅注疏

六

如適之嫁徂逝往也注方言云自家而出謂之嫁猶女

出為嫁音義

適傷亦反疏皆謂造於彼也如者自我而往也春秋公及大夫朝聘皆曰如之者

論語云之一邦言又往一國也適嫁徂逝皆方俗語○
案方言云嫁逝徂適往也自家而出謂之嫁猶女而出

為嫁也逝秦晉語也徂齊語也
適宋魯語也往凡語也

賚貢錫畀予貺賜也注皆賜與也音義

賚力代反又力臺反貢字或作

贛同畀必寐反下及注同予羊疏皆謂賜與也賚者賜
汝反下同貺許誑反本或作況疏有功善人也書湯誓

曰予其大賚汝貢者下與上也左傳齊桓責楚云爾貢
包茅不入錫者嘉賜也禹貢云禹錫玄圭畀者付與也

詩廊風干旄云何以畀之子者授與也小雅采芣
云天子所予貺者惠賜也小雅彤弓云中心貺之

儀若祥淑鮮省臧嘉令類緜穀攻穀介徽善也注詩曰

儀刑文王左傳曰禁禦不若詩曰永錫爾類我車既攻

介人維藩大姒嗣徽音省緜穀未詳其義餘皆常語音

義淑市六反鮮息淺反又音仙本或作誓沈云古斯字

郭音義云本或作𪔐非古斯字案字書誓先奚反亦

訓善省先郢反臧子郎反令力政反緜勅金反郭勅淫

反穀古豆反一音古侯反徽音暉藩方元反大音泰

疏皆謂美善也儀者形象之善也若者惠順之善也祥

者李巡曰福之善也書泰誓云襲于休祥淑者有德

之善也詩曹風鳴鳩云淑人君子鮮者清潔之善邶風

新臺云蘧蔭不鮮省緜穀郭氏未詳臧者功能之善也

詩齊風云射則臧兮嘉者美之善也詩大雅抑篇云無

不柔嘉令者大雅卷阿云令聞令望類者昭二十八年

左傳云勤施無私曰類攻者堅緻之善穀者養生之善詩小雅小明云式穀以女介者大善也緻者美善也注云詩曰儀刑文王者大雅文王篇文云左傳曰禁禦不若者左傳無全文案文十八年說四凶云投諸四裔以禦魘魅宣三年傳言鑄鼎象物故民入山林不逢不若蓋采合傳文故言禁禦不若也云詩曰永錫爾類者大雅既醉文云我車既攻者小雅車攻文云介人維藩者大雅板篇文云大如嗣徽音者思齊文云餘皆常語者謂祥淑鮮臧嘉令穀書傳多有之故云皆常語

舒業順叙也注皆謂次序舒業順叙緒也注四者又為

端緒疏

叙謂次序叙舒者展舒徐緩有次也業者事有次

緒互相訓也

叙也順者不逆有叙也舒業順叙四者又為端

怡懌悅欣衍喜愉豫愷康妣般樂也注皆見詩音義以

之反懌音亦衍苦旦反愉羊朱反愷疏皆謂喜樂怡者
苦在反妣丁含反般蒲安反樂音洛和樂也小雅節

南山云既夷既懌怡夷音義同懌者悅樂也商頌那篇
云亦不夷懌悅者心樂也小雅都人士云我心不悅悅

說音義同欣者笑喜之樂也大雅鳧鷖云旨酒欣欣毛
傳云欣欣然樂也衍者飲食之樂也小雅南有嘉魚云

嘉賓式燕以衍喜者說文云不言而悅也小雅彤弓云
中心喜之愉者安閒之樂也唐風山有樞云他人是愉

毛傳云愉樂也豫者逸樂也小雅白駒云逸豫無期愷
者康樂也小雅魚藻云豈樂飲酒康者安樂也唐風蟋

蟀云無以大康妣者樂之久也小雅鹿鳴云和樂且湛
又衛風氓篇云無與士耽鄭箋云耽非禮之樂般者遊

樂也周頌篇名也鄭箋云般樂也。按郭以爾雅之作
多為釋詩且詩中備有此文故云皆見詩其寔六經之

中所訓亦爾但以詩書之作非一人故有音義雖同而字形踳駁者詩文作湛耽而此作耽詩文作夷說豈弁槃而此作怡悅愷般之類直以異人之作故不同爾無義例也他皆放此

悅懌愉釋賓協服也注皆謂喜而服從音義

協胡疏謂

喜而服從也悅懌愉者皆喜樂而服也釋者釋去恨怨而服也賓者懷德而服也旅葵云四夷咸賓協者和合而服也左傳曰謀其不協

適遵率循由從自也注自猶從也適遵率循也注三者

又為循行音義

適孫云古述字讀聿一音餘橘反率所律反循音旬行下孟反

疏自亦從也

轉互相訓也適者大雅鯨篇云聿來胥宇適聿音義同遵者周南汝墳云遵彼汝墳率者大雅鯨篇云率西水

澣循者顧命云率循大卞由者曲禮大夫士出入君門
由闌右從者小雅何人斯云伊誰云從適遵率三者又
為循
行

靖惟漢圖詢度咨諏究如慮謨猷肇基訪謀也注國語

曰詢于八虞咨于二號度于閔夫謀于南宮諏于蔡原

訪于辛尹通謂謀議耳如肇所未詳餘皆見詩音義
靖

靜漢孫音莫舍人云心之謀也度徒洛反注同諏子須

反猷音猶肇音趙究九又反謨亡胡反基本或作謨音

同謀莫浮反號古伯反閔皆謂謀議也靖者安謀也

音宏夫於兆反原音元疏小雅小旻云靖共爾位惟

者思謀也漢者舍人曰心之謀也小雅小弁云聖人莫

之漢莫音義同圖者大雅崧高云我圖爾居詢度咨諏

者小雅皇皇者華傳云訪問於善為咨咨事為諏咨事之難易為謀咨禮之所宜為度親感之謀為詢究者小雅小弁云不舒究之慮者計謀也謨者大謀也大雅云訏謨定命猷猷者以道而謀也大雅文王云厥猶翼翼猷猷猶音義同肇者大雅江漢云肇敏戎公基者君子作事謀始也訪者謀政事也注云國語曰詢于八虞咨于二號度于閔夫謀于南宮諏于蔡原訪于辛尹者皆晉語胥臣對文公辭說文王之即位也韋氏解云八虞周八士皆在虞官二號文王弟號仲號叔南宮南宮括也蔡蔡公原原公辛辛甲尹尹逸皆周太史

典彝法則刑範矩庸恒律夏職秩常也注庸夏職秩義

見詩書餘皆謂常法耳音義

彝以而反範音犯字或作范同夏居黠反郭若八反

職之力反疏皆謂常禮法也典刑者詩大雅蕩篇云尚秩長粟反有典刑彝者洪範云彝倫攸敘法則者天

官冢宰以八法治官府以八則治都鄙鄭注云邦國官府謂之禮法常所守以為法式也則亦法也典法則所用異異其名也範者模法之常也矩者度方有常也庸者書臯陶謨云自我五禮有庸哉恒久之常也湯誥云若有恒性律者常法也夏者康誥云不率大夏職者主之常也秩者商頌烈祖云有秩斯祐

柯憲刑範辟律矩則法也注詩曰伐柯伐柯其則不遠

論語曰不踰矩音義柯古河反辟婢亦反下疏此亦謂同踰以朱反矩俱字反常法轉

互相訓柯者執以取法也憲者大雅桑扈云百辟為憲辟罪法也刑範律矩則皆謂常法也注云詩曰伐柯伐

柯其則不遠者豳風伐柯文云論語曰不踰矩者為政文

辜辟戾臯也注皆刑罪音義辜古胡反臯古罪字秦始皇以其字似皇字改從四

非疏皆謂刑罪也辜者書仲虺之誥曰罔不懼于非辜
辟者呂刑云墨辟疑赦戾者大雅抑篇云亦維斯
戾辜罪古今字也訓文云辜犯法也從辛從自言辜人
感鼻苦辛之憂泰以鼻似皇改為罪取非人自投於罔
古文自
為辜

黃髮齟齒鮐背耆老壽也注黃髮髮落更生黃者齟齒

齒墮更生細者鮐背背皮如鮐魚耆猶耆也皆壽考之

通稱音義

兒本今皆作齟五兮反一音如字鮐天才反
一音夷背博內反耆音苟更古益反細先計

反耆巨伊反
稱尺證反

疏皆壽考之通稱也黃髮耆舍人曰黃髮
老人髮白復黃也郭云黃髮髮落更生

黃者齟齒者說文云齟老人兒齒也郭云齒墮更生細
者魯頌閟宮云既多受祉黃髮兒齒鄭箋云兒齒亦壽

徵鮎背者舍人曰老人氣衰皮膚消瘠背若鮎魚郭云鮎背背皮如鮎魚劉熙釋名云九十曰鮎背背有鮎文大雅行葦云黃者鮎背毛傳云鮎背大老也鄭箋云台之言鮎也大老則背有鮎文方言云秦晉之郊陳充之會謂老曰耆鮎耆者郭云耆也方言云燕岱北鄙謂耆為黎郭彼注云黎面色似凍黎也舍人曰耆觀也血氣精華觀竭言色赤黑如狗矣孫炎曰耆面如凍黎色如浮垢老人壽徵也老者說文云七十曰老從人毛匕言鬚髮變白也

允孚 賈展 謙誠 亮詢 信也 注方言曰荆吳淮泗之間曰

展 燕岱東齊曰謙 宋衛曰詢 亦皆見詩音義 允音尹 孚

但反 謙甚針 疏 皆謂誠實不欺也 案方言云允訖恂 反岱音待 展諒穆信也 齊魯之間曰允 燕岱東齊

曰訖宋衛汝穎之間曰恂荆吳淮泗之間曰展西甌毒屋黃石野之間曰穆衆信曰諒周南召南衛之語也云亦皆見詩者廊風定之方中云終然允臧大雅文王云萬邦作孚小雅祈父云亶不聰廊風君子偕老云展如之人兮大雅蕩篇云其命匪謏誠者復言之信也廊柏舟云不諒人只鄭風溱洧云洵訐且樂訖謏亮諒詢洵

音義

同

展謏允慎亶誠也注轉相訓也詩曰慎爾優游疏皆謂

至誠

轉相訓也詩曰

小雅白駒文

謏浪笑敖戲謏也注謂調戲也見詩音義謏許虐反笑蘇誚反敖五

報反戲虛寄疏詩曰謏浪笑敖者不敬之戲謏也舍人反調徒弔反疏曰謏戲謏也浪意朗也笑心樂也敖意

舒也戲笑邪戲謔笑之貌郭云
謂調戲也見詩者邶風終風文

粵于爰曰也注書曰土爰稼穡詩曰對越在天王于出

征爰粵于也注轉相訓音義

征之成反粵音越爰音
袁稼古乍反穡音色 疏

皆謂語辭發端轉互相訓也說文云曰從開口象氣出
於口也注云書曰土爰稼穡者周書洪範文云詩曰對
越在天者周頌清廟文云
王于出征者小雅六月文

爰粵于那都繇於也注左傳曰棄甲則那那猶今人云

那那也書曰臯陶曰都繇辭於乎皆語之韻絕音義乃

河反繇除又反注同孫音由疏皆語之韻絕歎辭也爰
又音遙於音烏注同陶音遙 粵于三者又為於乎注

云左傳曰棄甲則那者宣二年華元答謳者辭也云書曰臯陶曰都者虞書臯陶謨文也云繇辭者繇卦兆之辭也云於乎者周頌維天之命云於乎不顯是也

故郤盍翕仇偶妃匹會合也注皆謂對合也音義故反

郤音合又音洽盍胡獵反翕許急反仇音求偶五口反妃音配又芳非反下同疏皆謂對合也合會也郤者和合也盍者衆合也易豫卦九四云勿疑勿盍簪翕者斂合也書臯陶謨云翕受敷施仇者左傳曰怨耦曰仇偶者相對合也左傳曰大都耦國妃者嘉耦曰妃匹者配合也大雅文王有聲云作豐伊匹會者集合也周禮曰時見曰會

仇讎敵妃知儀匹也注詩云君子好仇樂子之無知實

維我儀國語亦云丹朱馮身以儀之讎猶儔也廣雅云

讎輩也音義

讎市周反樂音疏洛馮皮水反

疏

皆謂匹合也仇者孫炎云相求之匹讎者儔侶

輩類之匹也敵者相當之匹也妃合耦之匹也注云詩云君子好仇者周南關雎文云樂子之無知者檜風隰有萋楚文云實維我儀者鄘柏舟文也云國語亦云丹朱馮身以儀之者案周語惠王十五年有神降于莘王問於內史過曰今是何神也對曰昔昭王娶於房曰房后實有爽德協于丹朱丹朱馮身以儀之生穆王焉實臨照周之子孫而禍福之夫神一不遠徙遷若由是觀之其丹朱乎韋氏解云馮依也儀匹也言房后之行有似丹朱丹朱馮依其身而匹偶之生穆王焉

妃合會對也注皆相當對妃媿也注相偶媿也音義

媿普

計反郭音譬疏此三者又為當對妃
字林匹地反又為媿謂相偶媿也

紹胤嗣續纂綉績武係繼也注詩曰下武維周綉見釋

水餘皆常語音義

紹市小反胤羊忍反又以刃反纂子
管反綉汝誰反績子狄反係戶帝反

繼音疏皆聯繼不絕也紹者大雅抑篇云弗念厥紹胤
計者大雅既醉云永錫祚胤嗣者周頌酌篇云載

用有嗣續者小雅斯干云似績妣祖纂者魯頌閟宮云
績禹之緒綉武見注績者陳東門之枌云不績其麻係
者繁屬之繼易曰係小子失丈夫注云詩曰下武維周
者大雅下武文云綉見釋水者彼云汎汎揚舟緜縞維
之緜綉也縞
綉也是矣

急諡溢蟄慎貉諡顛顧密寧靜也注急顛顧未聞其義

餘皆見詩傳音義

氣本或作氣同許氣反諡詩至反溢以日反蟄直立反貉莫白反又武博

反謚彌畢反顛魚豈反又五愷反疏皆安靜也諡者人
頽魚毀反沈五罪反孫郭五鬼反死將葵誅列其行
而作之也溢者盈溢者宜靜周頌維天之命云假以溢
我蟄者藏伏靜處也易曰龍蛇之蟄慎者謹靜也大雅
云淑慎爾止貉者靜定也大雅皇矣云貆其德音鄭箋
云德政應和曰貆謚者說文云靜語也密者周頌昊天
有成命云夙夜基命宥密寧
者周頌良耜云婦子寧止

隕殞湮下降墜標齧落也注殞猶隕也方俗語有輕重

耳湮沈落也標齧見詩音義

隕于閔反殞于敏反石落也湮郭音因又音烟又音

翳降古巷反墜本又作隊同直類反標婢眇反又普交
符表二反齧力丁反字或作苓說文云草曰苓木曰落

沈直疏皆謂墮落也。隕者說文云從高墜也。易曰有隕今反疏自天殞者石落也。郭云殞猶隕也。方俗語有輕重耳。湮沈落也。下者自上而落也。降即下也。曲禮謂羽鳥死曰降墜者。說文曰從高墮也。左傳曰弗敢失墜。標者召南云標有梅。蕭者說文云草曰蕭。木曰落。此對文爾。散而言之他物之落亦言蕭。鄒風定之方中云靈雨既零。蕭零音義同。

命令禧畛祈請謁訊誥告也。注禧未聞禮記曰畛於鬼

神音義

畛之忍反。訊音信。誥羔報。反又古酷反。告古篤反。

疏

皆謂告諭也。命者使告也。詩唐風楊

之水云我聞有命令者發號以告也。論語云其身正不令而行。畛者致告也。祈者求告也。書召誥云祈天永命。請者言告也。婚禮五曰請期謁者告白也。月令曰謁於天子訊者告問也。詩云歌以訊之。誥者布告也。書大誥

洛誥之類是也吟
於鬼神下曲禮文

永悠迴違遐過闊遠也注書曰過矣西土之人永悠迴

遠遐也注遐亦遠也轉相訓音義

悠音由迴戶頂反過說文云古遼字他歷

反郭湯革反
闊苦活反

疏皆謂遼遠也永者長遠也周南漢廣云江之永矣悠者小雅漸漸之石云山川

悠遠迴者大雅云洞酌彼行潦迴洞音義同違者離遠也召南殷其雷云何斯違斯遐者大雅旱麓云遐不作人過者古文遼也闊者相疏遠也邶風擊鼓云于嗟闊兮永悠迴遠四者又為遐也遐亦遠也轉相訓爾過矣西土之人周書牧誓文也

虧壞圮境毀也注書曰方命圮族詩曰乘彼境垣虧通

語耳音義

虧字又作虧祛危反郭又許宜反壞音怪說文云敗也籀文作數字林云壞自敗也下怪

反數毀也

公壞反圮孫房美疏皆謂毀敗也虧者損毀

反岸毀也

坳古委反垣音袁祭義云不虧其體壞者

人毀也音怪一云自毀也乎怪切圮者岸毀也書序曰祖乙圮于耿坳是毀垣也注云書曰方命圮族者堯典

文孔安國云圮毀族類也言蘇性狠戾好比方名命而行事輒毀敗善類云詩曰乘彼坳垣者衛風氓篇文也

矢雉引延順薦劉繹尸旅陳也注禮記曰尸陳也雉順

劉皆未詳音義

繹音亦疏皆謂敷陳也矢者書序云臯旅音呂陶矢厥謨引者伸陳也延鋪

陳也薦者饌陳也繹者復陳也周頌賚篇云時周之命於繹思尸者主陳也旅者謂布陳也大雅賓之初筵云

穀核維旅注云禮記曰者郊特牲文

尸職主也注左傳曰殺老牛莫之敢尸詩曰誰其尸之

又曰職為亂階疏

皆謂為之主宰也注云左傳曰殺老牛莫之敢尸者成十七年傳云晉樂

書中行偃遂執公焉召韓厥韓厥辭曰昔吾畜於趙氏孟姬之讒吾能違兵古人有言曰殺老牛莫之敢尸而况君乎二三子不能事君焉用厥也是其事云詩曰誰其尸之者召南采蘋文又曰職為亂階者小雅巧言文

尸窀也注謂窀地窀寮寮官也注官地為窀同官為寮音

義

窀李孫郭並七代反下及注同樊七在反寮字又作僚同力彫反

疏

窀謂窀地主事者必有窀地窀

采也采取賦稅以供已有窀地及言同寮者皆謂居官者也注云官地為窀者禮運云大夫有采以處其子孫是也云同官為寮者左傳文七年荀林父告先蔑之辭也

績緒采業服宜貫公事也注論語曰仍舊貫餘皆見詩

書音義

采七在反服本或作艘同符福反又作般字貫古玩反

疏

昏事為也績者功事也商頌云

設都于禹之績緒者事業也魯頌閟宮云纘大王之緒采者臯陶謨云亮采有邦業者學人所有事書周官云業廣惟勤服者周南關雎云寤寐思服宜者宜其事也大雅鳧鷖云公尸來燕來宜貫者魏風碩鼠云三歲貫女公者周頌酌篇云實維爾公允師注云論語者先進仍舊貫如之何何必改作是也

永羨引延融駿長也注宋衛荆吳之間曰融羨所未詳

音義

羨羊讓反字從永說文云水長也引以忍反駿本或作俊又作峻同子閏反長直良反疏說文

云長久遠也方言云施於衆長謂之永引者漢書律歷志云十丈為引引者信也顏師古曰信讀曰伸言其長

延者方言云延奉長也凡施於奉者謂之延又曰宋衛荆吳之間曰融駿者長大也

喬嵩崇高也注皆高大貌左傳曰師叔楚之崇也崇充

也注亦為充盛音義

喬郭音橋或音驕嵩宿忠反 疏皆高大貌喬周

喬嶽釋山云山大而高崧嵩崧音義同崇者高貴也亦為充盛樂記云復綴以崇云楚之崇也者宣十二年傳

文杜注云師叔蒲 厄為楚人所崇貴

犯奢果毅尅捷功肩堪勝也注陵犯誇奢果毅皆得勝

也左傳曰殺敵為果肩即尅耳書曰西伯堪黎音義捷才

接反肩音堅堪字又作戡同苦舍反勝尸疏皆謂得勝 證反注及下同誇口花反黎郎兮反國名疏也舍人曰

肩強之勝也。孫炎曰：戡勝之勝也。陵犯誇奢，殺敵為果。致果為毅，尅殺捷獲有功。肩尅堪任，是皆得勝也。注云：左傳曰：殺敵為果者，宣二年君子辭也。云書曰：西伯堪黎者，商書篇名也。

勝肩戡劉殺克也。注轉相訓耳。公羊傳曰：克之者何？殺

之也。音義

殺所黠反，舊所例。反說文云：戮也。

疏

克亦勝也。詩周頌敬之云：佛時仔肩。毛傳云：仔

肩克也。又為殺也。皆謂得勝而殺之。轉互相訓。注云：公羊傳者，隱元年經曰：夏五月，鄭伯克段于鄆。傳曰：克之者何？殺之也。

劉獮斬刺殺也。注書曰：咸劉厥敵。秋獵曰獮，應殺氣也。

公羊傳曰：刺之者何？殺之也。音義

獮息淺反。說文或作獮。刺七賜反。說文云：

君殺大夫曰刺刺直傷也周禮司刺掌三刺之法以聽獄訟或七亦反應對之應說文云殺戮也斬者文二年左傳曰狼曠取戈以斬囚餘皆具注注云書曰咸劉厥敵者周書君奭文云秋獵為獮釋天文云應殺氣也者言秋氣肅殺故名秋獵為獮大司馬云中秋教治兵遂以獮田是也云公羊傳曰刺之者何殺之也者僖二十七年傳文也經云公子買戍衛不卒戍刺之故傳云此也

𡗗𡗗𡗗沒孟敦勛釗茂劬勛勉也注詩曰𡗗𡗗文王蠹

沒猶黽勉書曰茂哉茂哉方言云周鄭之間相勸勉為

勛釗孟未聞音義𡗗𡗗字或作𡗗同亡匪反蠹彌畢反又亡忍反本或作蠹說文曰蠹古密

字敦丁門反勗許玉反釗古堯反又之遙反茂字又作懋亦作恣同亡候反勛上照反或上遙反勛字本作僮

又作黽或音泯又彌充反儻字又作疏皆謂勸勉也
黽亡忍反又亡衍反茂哉或作茂才者厚相勉也
者邶風燕燕云以勗寡人劭者勉力也餘皆見注注云
詩曰疊疊文王者大雅文王文也言勉勉乎不倦文王
之勤用明德也云蠹沒猶黽勉者以其聲相近方俗語
有輕重耳邶風谷風云黽勉同心云書曰茂哉茂哉者
臯陶謨文也書作懋懋懋古今字也云方言云以下者
案彼云釗薄勉也秦晉曰釗或曰薄故其鄙語曰薄努
猶勉努也南楚之外曰薄努自關而東
周鄭之間曰勗釗齊魯曰勗茲是也

驚務昏瞶強也注馳驚事務皆自勉強書曰不昏作勞

昏不畏死音義

驚音務昏音閔或作疏皆謂自勉強也
旻強也其文反注同驚謂馳驚務謂

事務二者皆以力勉強孫炎曰昏夙夜之強也注云
書曰不昏作勞者盤庚文云昏不畏死者康誥文

印吾台予朕身甫余言我也注印猶缺也語之轉耳書

曰非台小子古者貴賤皆自稱朕禮記曰授政任功曰

予一人畛於鬼神曰有某甫言見詩音義

印五剛反台孫羊而反下

同予余並羊如反缺烏郎烏黨烏浪三反說文疏我者
云女人稱我曰缺任而鳩反畛之忍反某音畝施我者
自謂也此皆我之別稱也印者郭云印猶缺也語之轉
耳說文云女人稱我曰缺由其語轉故曰印邶風匏有
苦葉云人涉印否吾者孔子曰吾自衛反魯身者我之
躬也余者邶谷風云伊余來墜餘皆見注注云書曰非
台小子者湯誓文云古者貴賤皆自稱朕者大禹謨云
帝曰朕宅帝位禹曰朕德罔克屈原亦云朕皇考曰伯
庸是貴賤皆自稱朕史秦始皇二十六年定為至尊之
稱漢因不改以迄於今云禮記云授政任功曰予一人

吟於鬼神曰有某甫者皆下曲禮文云言見詩者周南葛覃云言告師氏言告言歸是也

朕余躬身也注今人亦自呼為身音義

躬音弓

疏身即我也郭云

今人亦自呼為身舍人曰余謙卑之身也孫炎曰余舒遲之身也僖九年左傳云齊侯曰小白余杜注云小白

齊侯名余身也邶

谷風云我躬不閱

台朕賚畀卜陽子也注賚卜畀皆賜與也與猶予也因

通其名耳魯詩云陽如之何今巴濮之人自呼阿陽音

義

界必二反陽音賜又如字本或作

疏

予即與也皆謂賜與台者遺與

也讀與貽同朕者我與之也賚畀卜皆賜與也說命云夢帝賚以良弼鄘風干旄云何以畀之小雅天保云君

曰卜爾萬壽無疆注云與猶予也因通其名耳者說文云與黨與也予推予前人也象兩手相與之形今經典多以與為推予故云因通其名耳云魯詩云陽如之何者漢書藝文志云魯申公為詩訓故是為魯詩其經云陽如之何申公以陽為予故引之云今巴濮之人自呼阿陽者以時驗而言也

肅延誘薦餞晉寅蓋進也注禮記曰主人肅客詩曰亂

是用餞王之蓋臣易曰晉進也寅未詳音義

誘余九反餞沈大甘

反徐仙民詩音閭餘占反郭持鹽反皆謂進道延者晉本又作晉蓋本又作燼同徐刃反疏引而進之射義云子路出延射誘者道而進之也召南野有死麕云吉士誘之薦者進獻也月令云先薦寢廟餘皆見注注云禮記曰主人肅客者上曲禮文也鄭注云進客謂道之云詩曰亂是用餞者小雅巧言文云王之蓋臣者大雅

文王文云易曰晉進也者晉卦彖辭也

羞餞迪烝進也注皆見詩禮音義

餞徂淺反迪大疏謂的反烝之仍反進

與也羞者曲禮云聞子有客使某羞餞者進飲食之名也迪者以道而進也烝者周頌豐年云烝畀祖妣

詔亮左右相導也注皆謂教導之詔相導左右助勸也

注勸謂贊勉亮介尚右也注紹介勸尚皆相佑助左右

亮也注反覆相訓以盡其義音義

左右音佐佑下同相息亮反下文同導徒

報反注及下同勸力庶反介音界覆芳服反

疏詔者大宗伯云詔相王之典禮亮者大雅大明云涼彼武

王左右者周南關雎云左右流之相者鄉飲酒云相者一人此皆謂教道之也教道即贊勉也故又為勸說文

云勵助也不以力助以心助也郭云紹介勸尚皆相佑
助孫爽曰介者相助之義如人之左右手故以介為左
右也大雅生民云攸介攸止故轉為右左右即亮
也亦皆謂佐助反覆相訓以盡其義亮涼音義同

緝熙烈顯昭皓頰光也注詩曰學有緝熙于光明又曰

休有烈光音義

緝七入反熙許其反
皓胡老反頰古迴反

疏顯者光明也大雅假樂云顯顯

令德說文云昭日明也大雅雲漢云昭回于天皓者亦
日光也頰火光也小雅無將大車云不出于頰注云學
有緝熙于光明者周頌敬之文
云休有烈光者周頌載見文

劼鞏堅篤擊虔膠固也注劼虔皆見詩書易曰鞏用黃

牛之革固志也擊然亦牢固之意音義

劼苦黠反郭苦
八反或作砮字

古黠反鞏九勇反篤丁毒反擊音牽又却疏皆牢固也
開反郭音義本與慳偕同虔音乾膠音交劫者確固
也鞏者說文云以草有所束也堅者剛強之固也論語
曰不曰堅乎磨而不磷篤者厚也物厚者牢固擊者擊
亦牢固之意虔者恭之固膠者所以固物小雅隰桑云
德音孔膠注云劫虔皆見詩書者酒誥云劫毖殷獻臣
大雅韓奕云虔共爾位云易曰鞏用黃牛之革固志也
者案革卦云初九鞏用黃牛之革遯卦六二象曰執用
黃牛固志也文與此異然則郭云固志者所以釋革卦之鞏非謂遯之固志

疇孰誰也注易曰疇離祉音義

疇本又作壘直留反祉音恥疏皆謂語辭

不為義也又猶言誰人也論語云君孰與不足陳風墓門云誰昔然矣疇離祉易否卦九四爻辭也

眈眈皇皇藐藐穆穆休嘉珍褱懿鑠美也注穆穆已上

皆美盛之貌其餘常語音義

眡于況反又于柄反藐亡角反葺於宜反懿音意鑠

舒灼反上時掌反盛或作暎同

疏皆謂美盛也少儀云祭祀之美濟濟

言皇皇則此眡眡也少儀又云言語之美穆穆皇皇曲禮云天子穆穆諸侯皇皇鄭注皆云行容止之貌然則皇皇穆穆者皆語言容止之美盛也大雅崧高云既成藐藐毛傳云藐藐美貌休者大禹謨云戒之用休又曰嘉乃丕績儒行云席上之珍以待聘葺者歎美也懿者周頌時邁云我求懿德鑠者周頌酌篇於鑠王師是皆謂美之

常語爾

諧輯協和也注書曰八音克諧左傳曰百姓輯睦關關嗶嗶音聲和也注皆鳥鳴相和颺變和也注書曰變友

柔克音義

諧下階反輯音集又七入反雍於恭
反總本又作協同戶牒反變蘇頰反 疏皆謂

協者說文云衆之同和也關關雍雍者皆鳥鳴音聲相
和也周南關雎云關關雎鳩邛風匏有苦葉云雍雍鳴
鴈總即古文協字注云書曰八音克諧者虞書舜典文
云左傳曰百姓輯睦者案僖十五年及成十六年皆云
羣臣輯睦其是乎云書曰
變友柔克者周書洪範文

從申神加弼崇重也注隨從弼輔增崇皆所以為重疊

神所未詳音義

弼白筆反重直龍
反注同疊音牒 疏隨從申重加增弼
輔崇充皆所以為

重疊也大雅鳧
驚云福祿來崇

般悉卒泯忽滅罄空畢罄殲拔殄盡也注般今直語耳

忽然盡貌今江東呼厭極為整餘皆見詩音義

敵胡角反又胡

谷反卒予恤反字或作碎泯亡忍反罄若定反罄若計反說文口地反云器中盡也本或作慙字音同廣雅云

慙劇也殲子廡反拔步八

疏此皆謂終盡敵今直語耳

反殄大典反厭一豔反

忽然盡貌左傳曰臯陶庭

堅不祀忽諸注云今江東呼厭極為整者以時驗而言也說文云器中盡也云餘皆見詩者悉者說文云詳盡

也卒者終盡也衛風日月云畜我不卒泯者滅盡也大

雅桑柔云靡國不泯滅絕盡也小雅正月云寧或滅之

罄者說文云器中空也小雅蓼莪云餅之罄矣空者小

雅大東云杼柚其空畢者小雅無羊云畢來既升殲者

舍人曰衆之盡也秦風黃鳥云殲我良人

拔者寧除使盡也殄者詩云邦國殄瘁

苞蕪茂豐也注苞叢繁蕪皆豐盛音義

苞百交反蕪音無或亡甫反蕃

滋生長也古本疏皆豐盛也苞者草木叢生也禹貢云作隸豐敷馮反草木漸苞蕪者繁蕪也洪範云庶草蕃蕪蕪蕪音義同茂者茂盛也小雅天保云如松柏之茂

擊斂屈收戢蒐衰鳩樓聚也注禮記曰秋之言擊擊斂

也春獵為蒐蒐者以其聚人衆也詩曰屈此羣醜原隰

衰矣左傳曰以鳩其民樓猶今言拘樓聚也音義

擊孫子由

反郭音道案道音子由徂秋二反斂力儉反屈邱勿反戢側立反蒐所求反衰古字作衰蒲侯反下同字本或作桴鳩居牛反說文作勾音九尤反樓力疏皆會聚也侯反從手本或作樓非隰音習拘古侯反斂者率聚也禮記大學曰百乘之家不畜聚斂之臣收者周頌維天之命云我其收之戢者歲聚也周頌時邁云載戢干

戈餘皆見注注云禮記曰秋之言擊擊斂也者鄉飲酒
義文云春獵為蒐蒐者以其聚人衆也者春獵為蒐釋
天文云詩曰屈此羣醜者魯頌泮水文云原隰裒矣者
小雅常棣文云左傳曰以鳩其民者隱八年文云樓猶
今言拘樓聚也者
以時驗而言也

肅齊遄速亟屢數迅疾也注詩曰仲山甫徂齊音義

市 遄

專反亟欺冀反又居力反屢力具反 疏 皆謂急疾也肅
數色角反迅信峻二音徂才孤反 者召南小星云

肅肅宵征毛傳云肅肅疾貌齊者壯疾也遄者邛風泉
水云遄臻于衛速者論語云無欲速亟者欺冀切論語
曰好從事而亟失時一云亟居力切大雅靈臺云匪亟
其欲屢者小雅巧言云君子屢盟數者祭義云祭不欲
數迅者疾走也論語云迅雷風烈必
變注云仲山甫徂齊者大雅烝民文

寔駿肅亟遄速也注詩曰不寔故也駿猶迅速亦疾也

音義

寔本或作走同子感反亟又作急同居力反經典亦作棘同

疏速亦疾也肅亟遄轉相訓耳駿

者猶迅也禮記大傳云逡奔走駿逡音義同鄭注云疾奔走言勸事也不寔故也鄭風遵大路文

壑阬阬滕徵隍濂虛也注壑谿壑也阬阬謂阬壑也隍

城池無水者方言云濂之言空也皆謂丘墟耳滕徵未

詳音義

壑本或作穀同許各反郭胡郭反阬苦衡反滕徒登反隍音皇城池也濂字又作敷同苦郎反

說文云水之空也方言作濂亦空也郭云本或作荒荒亦邱墟之空無虛許居反谿音溪壑七豔反墟去魚反

疏皆謂空虛也壑者谿壑也大雅韓奕云實墉實壑阬阬者坎陷之虛也但重言耳隍者城池無水者易曰

城復于隍濂者注引方言云康之言空也彼注云濂窳
空貌亦丘墟之空也小雅賓之初筵云酌彼康爵鄭箋
云康空也濂

康音義同

黎庶烝多醜師旅衆也注皆見詩音義烝之疏皆謂衆
仍反夥也注

云皆見詩者大雅雲漢云周餘黎民靈臺云庶民子來
烝民云天生烝民周頌載見云思皇多祐大雅縣篇云
戎醜攸行棫樸云六師及之小
雅采芑云振旅闐闐之類是也

洋觀衰衆那多也注詩曰薄言觀者又曰受福不那洋

溢亦多貌音義洋音羊洋溢多貌讀羊者或為詳非也
觀顧謝音官施古喚反注同那奴多反

本或疏皆謂重多也洋者洋溢亦多貌魯頌闕宮云萬
作舛舞洋洋衰者聚之多也易曰君子以裒多益寡

衆者周頌臣工云命我衆人注云詩曰薄言
觀者小雅采綠文又曰受福不那者桑扈文

流差東擇也注皆選擇見詩音義

差楚佳反
東音簡

疏

皆選擇也
周南

關雎云左右流之小雅吉日云既差我馬
邠風云簡兮簡兮皆是也簡東音義同

戰慄震驚難竦恐懼也注詩曰不難不竦懼即懼也

音義

慄六日反難女版反竦息
勇反恐邱勇反懼之涉反疏皆惶怖也論語曰使

云惴惴其慄易曰震雷虩虩又曰驚遠而懼邇也詩云
不難不竦月令曰國時有恐樂記曰柔氣不懼是皆懼
也懼即懼也注云不難
不竦者商頌長發文

痛瘡虺積玄黃劬勞咎頽瘡瘡鰓戮瘋癘瘰癧瘰癧瘰癧

逐疾痲瘡癩瘵癰癢病也注虺積玄黃皆人病之通名而說者便謂之馬病失其義也詩曰生我劬勞書曰智藏瘵在相戮辱亦可恥病也今江東呼病曰瘵東齊曰瘵禮記曰親癢色容不盛逐未詳餘皆見詩音義

痛普

胡芳膚二反詩作鋪瘡音徒詩作屠虺虎回反又呼懷反積徒回反勔土于反咎音白頓字或作悴在醉反瘵音勤字亦作勲瘵羊朱反又羊主反鰥古頑反注瘵同瘵傷汝反舍人云癩癰瘵瘵皆心憂憊之病也孫炎云癩者畏之病也字林音恕詩作鼠癰郭作拘攣同力專反瘵音里痒音羊底祈支反或丁禮反本作疲字書云疲病也聲類猶以為瘵字又音支孫炎云帶之病也疵音慈疲音救痲音昧一音晦瘵徂何反又子衰反瘵符

非反又符沸反說文蒲愷反風病也瘡丁但反又徒丹反孫炎云疫病瘵側界反字林側例反瘵音莫瘳徂細反或徂疏疾甚曰病此皆病之通名耳孫炎曰痛人疲犂反不能行之病瘡馬疲不能進之病也積馬罷不能升高之病玄黃馬更黃色之病然則虺積者病之狀玄黃者病之變色郭云皆人病之通名而說者便謂之馬病失其義也蓋指孫炎不能弘通故云失其義也咎者罪病也賴者小雅雨無正云維躬是瘁賴瘁音義同瘞者勞苦之病也瘡者小雅角弓云交相為瘡戮者相戮辱亦可恥病也癩及痒者小雅正月云癩憂以痒舍人云癩癩瘞痒皆心憂憊之病也孫炎云癩者畏之病也瘞者小雅正月云悠悠我里瘞里音義同瘞者孫炎云滯之病也小雅白華云俾我瘵兮瘵者瑕釁小病也閔者幽風鷓鴣云鷺子之閔斯逐者衛風考槃云碩人之軸鄭箋云軸病也軸與逐蓋今古字郭氏未詳瘵者小雅采芣云憂心孔疚瘵者小雅十月云亦孔之瘵

瘥者節南山云天方薦瘥瘥者四月云百卉具腓瘥腓音義同瘡者大雅板篇云下民卒瘡瘡者大雅瞻仰云士民其瘡瘡者大雅桑柔云瘡此下民餘皆見注注云生我劬勞者小雅蓼莪文云書曰智歲瘡在者周書召誥文云今江東呼病曰瘡者以時驗而言云東齊曰瘡者方言文云禮記曰親瘡色容不盛者玉藻文

恙寫惺盱繇慘恤罹憂也注今人云無恙謂無憂也寫有憂者思散寫也詩曰悠悠我惺云何盱矣繇役亦為

憂愁也音義恙羊讓反寫恙治反惺音里盱本或作忡同香于反繇音遙慘七感反罹力知反

疏皆謂憂愁也恙者聘禮云公問君賓對公再拜鄭注云拜其無恙郭云今人云無恙謂無憂也寫者有憂者思散寫也小雅車牽云我心寫兮繇者繇後亦為憂愁慘者心憂也恤者小雅祈父云胡轉予于恤罹者王

風兔爰云逢此百罹注云詩曰悠悠我悵者小雅十月文云云何盱矣者卷耳及都人士文也

倫勩邛救勤愉庸瘳勞也注詩曰莫知我勩維王之印

哀我瘳人國語曰無功庸者倫理事務以相約救亦為

勞勞苦者多惰愉今字或作窳同音義

勩字或作勩與世反郭音謚字

亦作肆邛巨凶反救本又作飭竝恥力反案說文字林來旁作力是勞來之字東旁作文是始音丑力反愉羊主反又羊朱反瘳丁賀反本或作憚音同窳羊主反字林云汙也音烏說文云汙窳也案汙窳猶汙邪也皆謂勞苦也倫者理也理治事務者必勞勩者廣雅云苦也孫炎曰習事之勞也救者相約救也亦為勞苦勤者勞力也梓材云既勤垣墉愉者懶也郭云勞苦者多情愉今字或作窳同庸者民功曰庸瘳者說文云勞病

也注云詩曰莫知我勩者小雅雨無正文云維王之邛者巧言文云哀我瘵人者大東文云國語曰無功庸者案晉語韓獻子老使公族穆子受事於朝辭曰厲公之亂無忌備公族不能死臣聞之曰無功庸者不敢居高位今無忌智不能匡君使至於難仁不能救勇不能死敢辱君朝以忝韓宗請退也固辭不立悼公聞之曰難雖不能死而能讓不可不賞使掌公族大夫是其事也

勞來強事謂翦斲勤也注詩曰職勞不來自勉強者亦勤力者由事事故為勤也詩曰迨其謂之翦斲未詳音

義勞力報反注同來本又作勩力代反本或作賚強其丈反注同翦子淺反斲本又作擘同息遂反又祖歲反迨疏皆為勤勞也勞來者以其有勤勞也自勉強者音待疏亦為勤由能事事有功者亦為勤注云職勞不

來者小雅大東文人不被勞來者為不見勤故采薇序曰杖杜以勤之即是勞來也云迨其謂之者召南標有梅文也

悠傷憂思也注皆感思也音義

傷字書作傷尸羊反思司嗣反注同 疏皆

思也悠者秦風渭陽云悠悠我思傷者周南卷耳云維以不永傷憂者愁思也

懷惟慮願念怒思也注詩曰怒如調飢音義怒乃歷反調竹留反

毛詩傳

疏皆思念也方言云鬱悠懷怒惟慮願念靖慎云朝也 思也晉宋衛魯之間謂之鬱悠惟凡思也慮

謀思也願欲思也念常思也東齊海岱之間曰靖秦晉或曰慎凡思之貌亦曰慎或曰怒舍人曰怒恚而不得之思也注云怒如調飢者周南汝墳文

祿社履戩祱禘禘祱祱福也注詩曰福履綏之俾爾戩穀

祱祿康矣禘禘書傳少見其義未詳音義社音恥戩音翦又章善反

孫音箭祱音廢又音拂又方妹反禘許其反疏皆福祱

禘音斯郭常支巨移二反祱音戶俾必爾反也福祱

對文則小異散則祿亦福也商頌玄鳥云百祿是何鄭

箋謂當擔負天之多福社者繁多之福也周頌烈文云

錫爾祉福祱者小雅信南山云受天之祱注云詩曰福

履綏之者周南樛木文云俾爾戩穀者小雅天保文云

祱祿康矣者

大雅卷阿文

禋祀祠蒸嘗禴祭也注書曰禋于六宗餘者皆以為四

時祭名也音義禋音因注同祀音似祠音詞周春祭名

蒸之升反冬祭名嘗字又作常秋祭名

禴字又作杓同疏皆祭之別名祭際也人神交際說文
餘若反夏祭名疏云從示從又從肉又手也以手持肉
示神所以祭也禋者說文云潔祀也祀者說文云祭無
己也餘者四時祭名疏具釋天注云禋于六宗者虞書
舜典文孔安國云精意以享謂之禋宗尊也所尊祭者
其祀有六謂四時也寒暑也日也月也星也水旱也

儼恪祗翼謹恭欽寅燠敬也注儼然敬貌書曰夙夜惟

寅詩曰我孔燠矣謹未詳音義

儼魚儉反恪口各反祗
旨夷反謹音因又音真

燠而善反郭音罕疏皆謂謹敬也儼者郭云儼然敬貌
說文蒼頡篇皆同疏論語云儼然人望而畏之恪者心
敬也周書微子之命云恪慎克孝祗者虞書大禹謨云
祗承于帝翼者小心之敬也大雅大明云小心翼翼恭
者敬貌也大雅桑柔云温温恭人欽者堯典云欽若昊
天注云書曰夙夜惟寅者虞書舜典文云詩曰我孔燠

矣者小雅
楚茨文

朝旦夙晨暖早也注暖亦明也音義

暖子峻反
又音峻

疏早者
說文

云晨也從日在甲上十古文甲字今即以不晚為早朝者鄙風蝦蟇云崇朝其雨毛傳云崇終也從旦至食時為終朝旦者說文云明也從日在一上一地也陳風東門之杌云穀旦于差夙者齊風東方未明云不夙則莫晨者說文云晨昧爽也東方未明云不能晨夜暖亦明之早也

頤埃替戾底止僕待也注書曰僕我后今河北人語亦

然替戾底者皆止也止亦相待也音義

頤音須埃音仕
字又作僕亦作

祀音同替他計反戾音麗底之視反字宜疏皆相待也
從一或作底非也底音丁禮反僕胡禮反頤者邶風

匏有苦葉云卬頤我友俟者齊風著篇云俟我于著乎而頤須俟俟音義同替戾厖者郭云皆止也止亦相待也注云俟我后者商書太甲文

喙幾哉殆危也注幾猶殆也喙哉未詳音義喙郭音聿施音迷幾

音祈又音疏皆危險也說文云危在高而懼幾者幾猶機哉音哉殆也周書顧命云無以釗冒貢于非幾殆

者小雅節南山云無小人殆

譏汽也注謂相摩近音義譏音析又音沂郭音剗案剗音公哀反說文云摩也汽古

愛反施音既樊孫虛乞反疏說文云剗摩也郭讀譏為摩莫河反近附近之近剗云謂相摩近孫炎云汽

近也大雅民勞云汽可小康鄭箋云汽幾也反覆相訓故汽得為幾也昭十年左傳亦引此詩杜預云汽期也

然則期字雖別皆是近義言其近當如此史記稱漢高祖欲廢太子周昌曰臣口不能言然臣期知其不可陛下雖欲廢太子臣期不奉詔言期者意亦與此同也

治肆古故也注治未詳肆古見詩書音義

治如字施直吏反肆音四

疏肆之為故語更端辭也商書湯語曰肆台小子古之為故謂舊故也周頌良耜云績古之人

肆故今也注肆既為故又為今今亦為故故亦為今此

義相反而兼通者事例在下而皆見詩疏

詩大雅緜篇云肆不殄厥

愠毛傳云肆故今也即以肆之一字為故今因上起下之語鄭氏字別為義云肆既為故又為今今亦為故故亦為今此義相反而兼通者事例在下在下者謂在下文但在存也注

惇直枯篤擊仍眡埤竺腹厚也注頻仍埤益眡輔皆重

厚擊然厚貌餘皆見詩書音義

惇字又作憚丁門反直多但反枯音戶擊却賢

反又苦間苦忍二反仍本或作扔同汝熬反眡音毗本或作脾同埤避支反又音裨竺字又作篤同丁毒反腹

分伏反重疏皆重厚也惇者周書武成云惇信明義直龍反者誠之厚也大雅桑柔云逢天憚怒小雅

天保云俾爾單厚周頌昊天有成命云單厥心皆訓厚也直憚單音義同枯者福厚也篤者周頌維天之命云

曾孫篤之擊然厚貌頻仍埤益眡輔皆重厚釋天云仍饑為荐邶風北門云政事一埤益我小雅節南山云天

子是毗又采菽云福祿膍之眡毗膍音義同竺與篤同腹者小雅蓼莪云出入腹我月令云水澤腹堅

載謨食詐偽也注載者言而不信謨者謀而不忠書曰

朕不食言音義

謨亡胡反郭音慕詐側駕反謀亡侯反

疏

皆虛偽也郭云載者言而不信

謨者謀而不忠者以載詰為言謨為謀今又為偽故以為言而不信謀而不忠不信不忠則是偽也食者孫炎曰食言之偽也哀二十五年左傳云孟武伯惡郭重曰何肥也公曰是食言多矣能無肥乎然則言而不行如食之消盡後終不行前言為偽故通謂偽言為食言故此訓食為偽也詐者方言云膠譎詐也涼州西南之間曰膠自關而東西或曰膠詐通語也注朕不食言商書湯誥文

話猷載行訛言也注詩曰慎爾出話猷者道道亦言也

周禮曰作盟詛之載今江東通謂語為行世以妖言為

訛音義

話胡快反猷音由字亦從牙行下庚反郭下孟反注同訛字又作訛亦作譎同五戊反盟音明

詛側慮反疏皆謂言辭也詒者善言也孫炎曰善人之
妖於喬反疏言也猷者道也道亦言也載者載於簡策
之謂也郭云今江東通謂語為行世以妖言為詛注云
詩曰慎爾出話者大雅抑篇文云周禮曰作盟詛之載
者春官詛祝職文也

遘逢遇也注謂相遘遇遘逢遇遘也注轉復為相觸遘
遘逢遇遘見也注行而相值即是見音義遘古豆反遘
字又作迂同

五故反復疏皆謂相遭觸遘而相見也召南草蟲云
扶又反亦既遘止周書洪範云子孫其逢吉鄭風
野有蔓草云邂逅相遇轉復相訓三者又為相觸遘
逢遇遘四者皆行而相值之名行而相值即見故又為
見

顯昭覲釗覲見也注顯昭明見也逸書曰釗我周王音

義

釗工堯反又章堯反見賢遍反注同疏顯昭皆明見也周頌敬之云天

釗覲者皆下見上也曲禮云天子當依而立諸侯北面而見天子曰覲郊特牲云不敢私覲注云逸書者不在

今尚書之內故曰逸

監瞻臨洫瀕相視也注皆謂察視也音義

監音鑿又工杉反字又作

瀕洫音利又音類瀕他弔疏皆謂察視也小雅節南山反相施息亮反又息良反云何用不監又曰民具爾

瞻大雅大明云上帝臨汝文王世子云成王幼不能蒞阼瀕者考工記云瑑圭璋八寸璧琮八寸以瀕聘鄭注

云瀕視也聘問也衆來曰瀕特來曰聘相者小雅小弁云相彼投兔

鞠訕溢盈也注詩曰降此鞠訕音義

凶

疏

皆謂盈多

皆盈多也降此鞠訕小雅節南山文毛傳云鞠盈訕訕也鄭箋云盈猶多也以盈者必多故鄭轉云盈猶多也

孔魄哉延虛無之言間也注孔穴延魄虛無皆有間隙

餘未詳音義

間古閑反隙也音閑隙去戟反

舊疏

間謂間隙也孔者孔穴小雅角弓云如酌

孔取魄者形也謂月之無光之處名魄也康誥云惟三月哉生魄延者今墓道也虛無者虛無所有也是皆有間隙也

瘞幽隱匿蔽竄微也注微謂逃藏也左傳曰其徒微之

是也音義

瘞猗例反郭音翳匿女力反蔽必屯反竄麤亂反

疏

微謂逃藏也瘞者埋藏之微也

幽者深微也。隱者潛隱而微也。匿者舍人曰藏之微也。蔽者覆障使微也。竄者行之微也。是皆微昧不顯揚也。
○案昭十七年傳云：楚白公勝作亂，殺子西、子期、葉公子高。至遇箴尹固帥其屬將與白公子高曰：微二子者，楚不國矣。棄德從賊，其可保乎？乃從葉公使與國人以攻白公。白公奔山而縊，其徒微之，是也。

訖徽安懷安按替戾厖廢尼定曷遏止也。注安者坐也。懷者至也。按抑按也。替廢皆止住也。戾厖義見詩傳國語曰：戾久將厖。孟子曰：行或尼之。今以逆相止為遏徽。

未詳音義

安孫他果反。郭他回反。又他罪反。劉昌宗音儀禮同字。林亦同。按一旦反厖之視反尼施。

女乙反。謝羊而反。曷何末反。遏烏割反。抑於力反。

疏

皆謂止住也。訖者終止也。安者坐止也。懷至止也。安。

休止也抑按替廢皆止住也大雅云以按徂旅小雅云勿替引之定者靜止也曷者俗以抑止為曷今以逆相止為過餘皆見注注云戾底義見詩者小雅采芣云亦是戾矣底者在物之下是亦止也凡注言見詩今毛詩無者蓋在齊魯韓詩也云國語曰戾久將底者案晉語云文公在翟十二年狐偃曰日吾來此也非以翟為榮可以成事也吾曰奔而易達困而有資休以擇利可以戾也今戾久矣戾久將底底著滯滯誰能興之盍速行乎是其事也云孟子曰行或尼之者案孟子魯平公將見孟子嬖人臧倉止之樂正子見孟子曰克告於君君為來見也嬖人有臧倉沮君君是以不來也曰行或使之止或尼之行止非人所能也吾之不過魯侯天也臧氏之子焉能使予不過哉是其事也

此云行或尼之所見本異或傳寫誤

豫射厭也注詩曰服之無斃豫未詳音義

射羊石反字又作斃同厭

於豔 疏 謂康倦也注云詩曰服之
反 無斃者周南葛覃文也

烈績業也注謂功業也疏 謂功業也烈者周頌執競云
無競維烈績者大雅文王有

聲云維
禹之績

績勲功也注謂功勞也疏 謂功勞也績者虞書大禹謨
云嘉乃丕績勲者案周禮司

勲職云王功曰勲鄭注
云輔成王業若周公

功績質登平明考就成也注功績皆有成詩曰質爾民

人禮記曰年穀不登穀梁傳曰平者成也事有分明亦

成濟也疏 皆謂成濟也勲功績業皆有成也事有分明
亦成濟也舜典云三載考績周頌敬之云日

就月將皆言成功也注云詩曰質爾民人者大雅抑篇文云禮記曰年穀不登者下曲禮文云穀梁傳曰平者成也者宣十五年文也

桔梗較頰庭道直也注桔梗較頰皆正直也詩曰既庭

且碩頰道無所屈音義

桔古沃反郭音角梗古杏反較古學反頰他彫反

疏梗

較頰皆正直也庭條直也道者頰道無所屈注云既庭且碩者小雅大田文

密康靜也注皆安靜也音義

密七筆反

疏

皆安靜也周頌昊天有成命夙夜基

命宥密大雅生民云不康裡祀

豫寧綏康柔安也注皆見詩書疏

皆安樂也大雅板篇云不敢戲豫虞書大

禹謨云萬邦咸寧商書太甲云撫綏萬邦大雅民勞云汜可小康虞書舜典云柔遠能迺

平均夷弟易也

注皆謂易直音義

易以鼓疏也和平均反注同疏也

一皆易直也周頌天作云岐有夷之行大雅河酌云愷弟君子

矢弛也

注弛放弛易也

注相延易音義

弛尸紙反易音亦顧謝本弛作

施并易皆以鼓反注同

疏

郭云矢弛也以弓釋弦曰弛故云弛放禮記雜記云一張一弛弛又為易謂相

也延易

希寡鮮罕也注罕亦希也鮮寡也注謂少音義

鮮息淺反下同

罕火疏為寡髮大雅抑篇云鮮不為則郭云罕亦希也

鄭風大叔于田云叔發罕忌鮮
又為寡轉互相訓皆謂希少爾

酬酢侑報也注此通謂相報答不主於飲酒音義各反才

侑本或作宥疏皆相報答也郭云此通謂相報答不主
同于救反疏于飲酒者以飲酒之禮主人酌酒於賓

曰獻賓既卒爵洗而酌主人曰酢主人既卒酢爵又酌
自飲卒爵復酌進賓曰酬故說者以酬酢主謂飲酒相

報答郭以易繫辭云可與酬酢謂應對萬物也小雅楚
茨云萬壽攸酢是神報主人也故云不主于飲酒侑者

案公食大夫賓禮三飯之後云公受宰夫束帛以侑注
云束帛十端帛也侑猶勸也主國君以為食賓慇懃之

意未至復發幣以勸之欲其深安
宥也是侑者主人所以報宥也

毗劉暴樂也注謂樹木葉缺落蔭疏暴樂見詩音義
如毗

字樊光本作庇云蔭也暴本又作爆同邦角反樂舍
本又作爍郭音洛又力角反蔭於禁反又作廕同疏人
曰毗劉暴樂之意也木枝葉稀疎不均為暴樂注云謂
樹葉缺落蔭疏暴樂見詩者大雅桑柔云捋采其劉毛
傳云劉爆爍
而希也是矣

覲髮第離也注謂草木之叢茸翳蒼也第離即彌離彌

離猶蒙籠耳孫叔然字別為義失矣音義覲郭亡草反

音蒙第音弗叢才工反茸如疏郭云謂草木之叢茸翳

容反或如融反蒼烏會反蒼也第離即彌離彌離

猶蒙籠耳孫叔然字別為義失矣郭以時驗
而為此解孫氏每字各別為義故云失矣
蠱謫貳疑也注蠱惑有貳心者皆疑也左傳曰天命不

謫音義

蓋音古謫郭音緇他刀疏皆謂疑惑也郭云蓋反字或作惱沈勣檢反疏惑有貳心者皆疑也

者案昭元年左傳晉趙孟問於醫和曰何謂蠱對曰淫溺惑亂之所生也於文皿蟲為蠱穀之飛亦為蠱在周易女惑男風落山謂之蠱是蠱惑也貳者心疑不一也大雅大明云無貳爾心毛傳云無敢懷貳心也注云左傳曰天命不謫者哀十七年葉公子高辭也

楨翰儀榦也注詩曰維周之翰儀表亦體榦音義

楨音貞榦音

本又作幹胡疏舍人曰楨正也築塙所立兩木也所以旦反又作翰疏當塙兩邊障土者也大雅文王云維周之楨又崧高云維周之翰儀表亦體榦也

弼渠輔比備也注書曰天威棐忱易曰比輔也備猶輔

也音義

隸音匪比毗志反注同備音輔郭方輔反字林音甫枕市林反疏者商書說命

云夢帝賚予良弼隸者周書康誥云天威隸忱輔者商書湯誓云爾尚輔予一人比者易比卦象云比輔也

疆界邊衛圍垂也注疆場境界邊旁營衛守圍皆在外

垂也左傳曰聊以固吾圉也音義

圍魚呂反場羊石反廣雅云界也旁步郎

反聊疏謂四垂也郭云疆場境界邊旁營衛守圍皆在音遼外垂也舍人曰圍拒邊垂也孫炎曰圍國之四

垂也注云聊以固吾圍也者隱十一年鄭伯辭也

昌敵疆應丁當也注書曰禹拜昌言疆者好與物相當

值音義

敵音狄疆巨良反下注同應本或作膺同於矜反好呼報反

疏者皆相當也敵

者仇匹相當也文六年左傳曰敵惠敵怨彊者好與物相當值應者對當也大雅下武云應侯順德丁者雲漢云寧丁我躬注云禹拜昌言者虞書大禹謨文

淳肩搖動蠢迪俶厲作也注淳然興作貌蠢動作也公

羊傳曰俶甚也穀梁傳曰始厲樂矣肩見書迪未詳音

義

淳步忽反蠢尺允反俶昌育反

疏

皆興作也淳然興作貌莊公十一年左傳曰禹湯罪己其興也淳然

肩者勝任之作也搖者考工記矢人云夾而搖之以視其豐殺之節也動者商書咸有一德云德惟一動罔不吉蠢者鄉飲酒義云春之為言蠢也俶者始作也厲者方言云厲印為也甌越曰印吳曰厲為亦作也注云公羊傳曰俶甚也者隱九年云三月庚辰大雨何以書記異也何異爾俶甚也云穀梁傳曰始厲樂矣者隱五年

云九月考仲子之宮初獻六羽始僭樂矣尸子曰舞夏自天子至諸侯皆用八佾初獻六羽始厲樂矣

茲斯咨咥已此也

注些已皆方俗異語音義

些子爾反或子移反

郭音些案廣雅些辭也息計反疏此者對彼之稱言近又息賀反謂語餘聲也已音以疏在是也茲者虞書大禹謨云念茲在茲斯者召南殷其雷云何斯違斯咨與茲同些已與此皆音相近故得為此也郭云些已皆方俗異語

嗟咨嗟也注今河北人云嗟歎音兔置之音義

嗟本作或作

嗟字林云皆古疏皆歎也周南卷耳云嗟我懷人堯典

歎

閑狎串貫習也注串厭串貫貫快也今俗語皆然音義

狎乎甲反串郭音五患反沈謝古患反貫古患反厭於
艷反快音逝又時設反張揖雜字音曳云狎快過度

疏皆便習也莊二十二年左傳曰赦其不閑於教訓曲
禮曰賢者狎而敬之大雅皇矣云串夷載路齊風猗

嗟云射則貫兮皆是習也注云串厭串貫貫快也今俗
語皆然者當東晉時有此厭串貫快之語故以為證也

曩塵佇淹留久也注塵垢佇企淹滯皆稽久也音義曩

黨反疏曩曩塵垢佇企淹滯留
止皆稽久也通見詩書

逮及暨與也注公羊傳曰會及暨皆與也逮亦及也音

義逮音代一音大疏暨皆相親與也注云公羊傳曰會及
計反暨其罷反疏暨皆與也者隱元年文也云逮亦

及也者
方言文

騰假格陟躋登陞也注方言曰魯衛之間曰騰梁益曰

格禮記曰天王登遐公羊傳曰躋者何陞也音義騰之實騰反

又音陟假音遐躋子兮反陞音升疏皆謂陞上陟者周南卷耳云陟彼

云躋郵跋格躋踰登也自闕而西秦晉之間曰躋東齊海岱之間謂之躋魯衛曰郵梁益之間曰格或曰跋騰

郵格格音義同云禮記曰天王登遐者下曲禮文云公羊傳曰躋者何陞也者文二年文也○郵音質跋音企

躍踰音

揮盞歇酒竭也注月令曰無漉陂池國語曰水涸而成

梁揮振去水亦為竭歇通語音義

揮許韋反盍音鹿歇
虛謁反涸戶各反漉

音鹿去疏皆謂竭盡也揮者郭云揮振去水亦為竭曲
起呂反疏禮曰執玉器者弗揮是也盍即漉也郭云歇

通語謂歇即竭之通語也涸水竭也注云月令曰無漉
陂池者按月令仲春之月是月也無竭川澤無漉陂池

無焚山林鄭注云順陽養物也畜水曰陂穿地通水曰
池云國語曰水涸而成梁者案周語定王使單襄公聘

於宋遂假道於陳以聘楚單子歸告王曰陳侯不有大
咎國必亡王曰何故對曰夫辰角見而雨畢天根見而

水涸本見而草木節解駟見而隕霜火見而清風戒寒
故先王之教曰雨畢而除道水涸而成梁草木節解而

備歲隕霜而冬裘具清風至而修城郭宮室今陳國火
朝覲矣而道路若塞野場若棄澤不陂障川無舟梁是

廢先王之教也引
之者證涸為水竭

拒拭刷清也注振訊技拭掃刷皆所以為潔清音義

拒音

震拭音式刷字又作厥所劣反說文云刮也廣雅云

削也清如字劉音儀禮慈性反技匕粉反掃素老反疏

郭云振訊技拭掃刷皆所以為潔清禮記喪大記云拒

用巾哀十四年公羊傳云反袂拭面周禮凌人職云夏

頌冰掌事秋刷後鄭云秋涼冰不用可以清潔其室

鴻昏於顯間代也注鴻鴈知運代昏主代明明亦代昏

顯即明也間錯亦相代於義未詳音義

間古莧反注同謝古開反郭古

鴈反施疏皆謂更代也注云鴻鴈知運代者鴻鴈之屬

胡瞻反疏九月而南正月而北是知其時運而更代南

北也云昏主代明者釋經昏字也日入後二刻半為昏

昏來則明往故云昏主代明云明亦代昏者釋經顯字

也顯即明也云間錯亦相代者謂間則交錯亦相更代也儀禮鄉飲酒云乃間歌魚麗鄭注云間代也謂一歌則一吹是也又周頌桓篇云皇以間之

饁饌饋也注國語曰其妻饁之音義

饁于軌反字林于怯反饌式亮反饋

也本或作餽疏饋者以食遺與也野饋曰饁食人曰饌同巨愧反疏自冢之野也注云國語曰其妻饁之者晉語云臼季使過冀冀缺耨其妻饁之敬相待如賓從而問之冀芮之子與之歸既復命而進之曰臣得賢人是敢以告是也

遷運徙也注今江東通言遷徙音義

遷七延反注疏謂同徙斯余反

移徙也大雅皇矣云帝遷明德易曰日月運行注云今江東通言遷徙者時驗而言也

秉拱執也注兩手持為拱音義

拱九勇反

疏皆謂持執也周書金縢云植壁

秉珪注云兩手持為拱者老子云雖有拱壁

廡熙興也注書曰廡績咸熙廡見周官音義

廡郭音歆又音欽字

林火欽反興如字又許應反笙師職云大喪廡其樂器鄭注廡興也興謂作之

疏皆謂興作注云書曰廡績咸熙者虞

書舜典文云廡見周官者即周禮也

衛躒假嘉也注詩序曰假樂嘉成王也餘未詳音義

居躒

衛反下同假戶嫁反疏謂嘉美也注云詩序曰假樂嘉成王也者大雅假樂篇序也

廢稅赦舍也注詩曰召伯所稅舍放置音義

廢字亦作廢同甫穢

反稅始銳反疏皆舍置也廢者宣八年公羊傳云廢其
舍音捨注同疏無聲者赦者放置也虞書舜典云青災
肆赦注云詩曰召伯所
稅者召南甘棠文也

棲遲慙休苦歛隸四息也注棲遲游息也苦勞者宜止

息慙見詩歛隸四皆氣息貌今東齊呼息為四也音義

棲音西遲直釐反慙起例反本或作惛同歛古怪反又
墟季反字林以為喟卽愧反孫本作快郭音苦槩反又
作噴墟愧苦怪二反隸郭施謝海拜反孫虛貴疏皆止
反顧乎被反四郭許四反孫許器反施火季反疏息也
舍人曰棲遲行步之息郭云棲遲遊息也陳風衡門云
衡門之下可以棲遲慙者召南甘棠云召伯所慙休者
止而息也周南漢廣云不可休息苦者郭云苦勞者宜
止息歛隸四者郭云皆氣息貌案方言云餽喙四息也

周鄭宋沛之間曰餽自闕而西秦晉之間或曰喙
或曰餽東齊曰咽故郭云今東齊呼吸為咽也

供峙共具也

注皆謂備具音義

峙如字又居用反
疏謂

備具也供者論語云子路共之供共音義
同峙者周書費誓云峙乃糗糧周頌臣工云峙乃錢鏹
峙音義同

共者小雅小旻云靜共爾位

慄憐惠愛也注慄韓鄭語今江東通呼為憐音義

慄七反

又音無憐力田反

疏愛謂寵惜也方言云憐憐年愛也韓鄭
曰年秦或曰憐憐通語也故郭云慄韓鄭語今江東呼

為憐憐義同惠者仁愛也邛北風云惠而好我○憐七

輔反憐音淹

娠蠢震懣妯騷感訛蹶動也注娠猶震也詩曰憂心且

妯無感我悅兮或寢或訛蠢懣騷蹶皆搖動貌音義指

慎反又音身蠢尺允反懣奴板反妯顧依詩勅留反郭

盧篤反又徒歷反騷蘓刀反訛五未反悅始銳反毛詩

傳云佩疏震也者以大雅生民云載震載夙昭元年左

傳曰邑姜方震大叔哀元年左傳曰后緡方震皆謂有

身為震故云娠猶震也蠢者郭云蠢懣騷蹶皆搖動貌

小雅采芑云蠢爾蠻荆震者大雅常武云震驚徐方懣

者恐動也商頌長發云不懣不疎騷者大雅常武云徐

方緡騷蹶者大雅綿篇云文王蹶厥生注云詩曰憂心

且妯者小雅鼓鐘文云無感我悅兮者召南野有死麕

文云或寢或訛者小雅無羊文

覆察副審也注覆校察視副長皆所為審諦音義覆芳福反

後注同副音赴校音教長丁疏郭云覆校察視副長皆所為審諦覆者月令季

春云命舟牧覆舟五覆五反察者周書呂刑云惟察惟法副者次長之稱

契滅殄絕也注今江東呼刻斷物為契斷音義契郭苦計反字

又作挈顧苦結反注同左傳云盡借邑人之疏皆謂斷車契其軸是也殄大典反刻音克斷大管反契者

郭云今江東呼刻斷為契斷定九年左傳曰盡借邑人之車契其軸注杜預云契刻也滅者小雅正月云寧或

滅之殄者大雅桑柔云不殄心憂

郡臻仍迺侯乃也注迺即乃餘未詳疏乃語辭也迺乃音義同大雅綿

篇云迺慰
迺止是也

迪繇訓道也

注義皆見詩書音義

迪音狄繇音由道
如字或徒報反非疏

虞書大禹謨云惠迪吉小雅巧言云秩秩大猷猷繇音義同又周書顧命云命汝嗣訓

僉咸胥皆也注東齊曰胥見方言音義

僉七廡反疏謂
胥息廡反衆

皆也舜典云僉曰伯禹作司空商書云咸有一德注云東齊曰胥見方言者案方言云僉胥皆也自山而東五國之郊曰僉東齊曰胥是也

育孟耆艾正伯長也注育養亦為長正伯皆官長音義

耆巨之反禮記云六十曰耆艾五盖疏皆謂長上也郭反下同禮記曰五十曰艾長丁丈反疏云育養亦為長

卽谷風云既生既育鄭箋云育謂長老也孟庶長也又周書康誥云王若曰孟侯孔安國云孟長也五侯之長者艾皆老長也曲禮曰五十曰艾服官政六十曰耆指使正伯皆官長大雅雲漢云以庚庶正盤庚云邦伯師長

艾歷也注長者多更歷音義

更音庚

疏

艾又為歷郭云長者多更歷

歷秭算數也注歷歷數也今以十億為秭論語云何足

算也音義

秭音姊算字又作箕素緩反郭息轉反數色具反注同謝色主反

疏

皆算數也郭云

歷歷數也推律所生之數虞書大禹謨云天之歷數在汝躬秭者周頌豐年云萬億及秭毛傳云數萬至萬曰億數億至億曰秭郭云今以十億為秭者以時驗而言也注論語云何足算也者案論語子貢問曰今之從政

者何如子曰噫斗筭之人何足算也鄭曰筭數也

歷傳也注傳近音義

歷音靈傳符付反注同

疏

謂傳近也隱十一年左傳云庚辰傅

於許

艾歷覲胥相也注覲謂相視也公羊傳曰胥盟者何相

盟也艾歷未詳音義

覲字又作脈亡革反相息羊反讀者或息亮反今不用

疏謂

相視也覲者郭云覲謂相視也說文云覲邪視也注云公羊傳曰胥盟者何相盟也者桓三年文

又亂靖神弗渥治也注論語曰子有亂臣十人渥書序

作汨音同耳神未詳餘見詩書音義

又字又作雙亦作刘同魚廢反渥郭

古沒反又胡忽反治直疏也皆治理也舍人曰亂義之治
吏反謝如字汨古沒反孫炎曰亂治之理也注云
論語曰予有亂臣十人者秦伯篇文也云涵書序作汨
音同耳者虞書序云帝釐下土方設居方別生分類作
汨作孔傳云汨治作興也言其治民之功興故為汨作
之篇七云餘並見詩書者舜典云有能俾乂小雅菀柳
云俾予靖之大雅生民云
蕝厥豐草弗蕝音義同

頤艾育養也注汝潁梁宋之間曰艾方言云音義之頤反以

疏頤者易曰頤貞吉育者易无妄象曰先王以茂對時
育萬物注云汝潁梁宋之間曰艾方言云者案方言
云台胎陶鞠養也晉衛燕趙曰台陳楚韓鄭之間
曰鞠秦或曰陶汝潁梁宋之間曰胎或曰艾也

沃渾隕墜也注沃渾皆水落貌音義沃姑犬反施胡犬
反顧徒盖反宜作

沃渾胡本反隕于疏皆墜落也郭云沃渾皆水落貌春
敏反墜直類反秋僖公十六年經云星隕如雨

際接翼捷也注捷謂相接續也音義翼所甲反反疏郭云
捷才接反捷謂

相接續也際者相會之捷也左傳曰爾未際也小雅芡
柳云無自瘵焉鄭箋云瘵接也接者曾子問云接祭而

已謂捷速而祭也翼者未詳

愆神溢慎也注神未詳餘見詩書音義愆音秘疏謂謹
愆者周書洛誥云夙夜愆祀溢者舍人曰溢行之

慎周頌維天之命云假以溢我故注云見詩書

鬱陶繇喜也注孟子曰鬱陶思君禮記曰人喜則斯陶

陶斯詠詠斯猶即繇也古今字耳音義陶徒刀反繇
音由一音遙

疏皆謂歡悅鬱陶者心初悅而未暢之意也注云孟子曰鬱陶思君者案孟子象往入舜宮舜在牀琴象曰鬱陶思君爾忸怩趙氏注云象見舜正在牀鼓琴愕然反辭曰我鬱陶思君故來爾辭也忸怩而慙是其情也云禮記曰人喜則斯陶陶斯詠詠斯猶者下檀弓文鄭注云鬱陶陶也咏謳也猶當為搖聲之誤也搖謂身動搖也秦人猶搖聲相近云猶即繇也古今字耳者言禮記猶即此經繇也古今字異耳

馘 齊獲也注今以獲賊耳為馘獲禾為齊並見詩音義

馘古獲反本又作馘音同齊本作齊疏皆謂克獲也注同才細反依注字宜從禾獲戶郭反疏云今以獲賊耳為馘者大雅皇矣云攸馘安安毛傳云不服者殺而獻其左耳曰馘魯頌泮水云在泮獻馘鄭箋云馘所格首之左耳皆謂臨陣格殺之而取其耳也云獲禾為齊者小雅大田云此有不斂穧穧者禾之鋪而未束故云獲

未為穢是
並見詩

阻艱難也注皆險難音義

難如旦反注疏皆險難也秦
同音如字疏風萋葭云道

阻且長商書說
命云非知之艱

剡畧利也注詩曰以我剡耜音義

剡羊冉反畧力約反
詩本作畧耜音似

疏皆耜之利也小雅大田云以我覃耜剡畧音
義同周頌載芟云有畧其耜畧音義同

允任壬佞也注書曰而難任人允信者佞人似信壬猶

任也音義

任而鵠反又而淫反疏皆謂諂佞也允信也
注同壬而今反注同佞人似信任者孫炎

云似可任之佞也虞書舜典云而難任人壬
猶任也率陶謨云何畏乎巧言令色孔壬

俾拚抨使也注皆謂使令見詩俾拚抨使從也注四者

又為隨從音義

俾必介反拚北萌反以利使人曰拚從手抨普耕反索字書拚抨並音普耕補

耕二反訓義亦同今既二字相隨故多互其讀也疏皆亦從手彈也字又作抨音同使人也令力呈反

使令隨從也注云見詩者魯頌闕宮云俾爾熾而昌大雅柔柔云并不連拚并音義同抨義亦同此皆為使

令也俾拚抨使四者又為隨從

儻仍因也注皆謂因緣音義

儻樊孫如羊反引論語其父攘羊釋之作攘注云因

來而盜曰攘疏皆因緣也費誓曰無敢寇攘鄭注云因施息羊反其七失曰攘儻攘音義同施博士讀曰

襄周書君爽云襄我二人郭無明說義得兩通論語云仍舊貫

董督正也注皆謂御正音義督多毒反疏皆謂御正也虞書

威春秋僖公十三年左傳云謂督不忘

享孝也注享祀孝道音義享虛丈反下注同疏享祀孝道也小

考於祖

珍享獻也注珍物宜獻穀梁傳曰諸侯不享覲疏致物於尊

者曰獻珍者珍物宜獻也享者周禮大行人云廟中將幣三享鄭司農云三享三獻也注云穀梁傳曰諸侯不

享覲者隱五年文

縱縮亂也注縱放掣縮皆亂法也音義縱于用反縮所六反掣昌世反

疏縱放掣縮皆亂法也大
雅民勞云無縱說隨

探篡俘取也注書曰俘厥寶玉篡者奪取也探者摸取

也音義

探吐南反篡初患反俘音孚摸亡各樓胡二反疏郭云探者摸取也篡

敵曰俘伐執之曰取注云書曰俘厥寶玉者商書序云夏師敗績湯遂從之遂伐三朶俘厥寶玉孔氏云俘取也

徂在存也注以徂為存猶以亂為治以曩為鄰以故為

今此皆詁訓義有反覆旁通美惡不嫌同名音義

治直吏反

曩乃朗反疏鄭風出其東門云匪我思且鄭箋云非我鄰許亮反疏思存也徂且音義同在訓存者常語也上

云徂往也往則非存故郭氏引類以曉人也注云美惡不嫌同名者案隱七年公羊傳云貴賤不嫌同號美惡不嫌同辭何休云若繼體君亦稱即位繼裁君亦稱即位皆有起文美惡不嫌同辭是也若此篇往也死也亦稱徂是惡也存也亦稱徂是美也各有其義故云美惡不嫌同名

在存省士察也注書曰在璿璣玉衡士師官亦主聽察

存即在音義

省息井反璿璣謂審察也虞書舜典云在音旋又音璇璿璣玉衡以齊七政存即在

在也省謂視察吾日三省吾身士者理獄之官亦主聽察虞書舜典舜命皋陶云汝作士

烈枿餘也注晉衛之間曰藥陳鄭之間曰烈音義枿五

本或作枿又作木注作藥並同說文作檝枿詩大雅雲以枿木為古文藥為或體云伐木之餘

漢序云宣王承厲王之烈李廵曰枿槁木之餘也高書
盤庚云若顛木之有由藥枿藥音義同注云晉衛之間
曰藥陳鄭之間
曰烈者方言文

迓迎也

注公羊傳曰跛者迓跛者音義

迓五駕反疏謂
跛布我反

逢迎也注云公羊傳曰跛者迓跛者此成二年傳文案
彼云晉卻克與臧孫許同時而聘于齊蕭同姪子者齊
君之母也踊於楛而窺客則客或跛或眇於是使跛者
迓跛者眇者迓眇者是也引之以證迓為迎也宣三年
左傳曰狂狡輅鄭人杜注云輅迎也周禮秋官有訝士
及聘禮云殿明訝賓於館鄭注皆云訝迎也召南鵲巢
云百兩御之鄭注云御迎也字形雖別音義實同蓋
以作非一人致茲異也當以迓為正字餘皆假借

元良首也注左傳曰狄人歸先軫之元良未聞音義軫
之

忍疏謂頭首也注云左傳曰狄人歸先軫之元者僖三
反疏十三年狄伐晉及箕八月戊子晉侯敗狄於箕御
缺獲白狄子先軫曰匹夫逞志于君而無討敢不自討
乎免胄入狄師死焉狄人歸其元面如生是也引證元
為首良未詳

薦摯臻也注薦進也摯至也故皆為臻臻至也音義遭

練反摯之二疏臻至也薦進執摯
反臻則巾反疏皆所以表至也

賡揚續也注書曰乃賡載歌揚未詳音義賡古孟反沈
孫音庚說文

以為古文續疏謂相繼續也注云書曰乃
續似欲反賡載歌者虞書益稷文

祔禭祖也注祔付也付新死者於祖廟禭毀廟主音義

祔音附郭音疏謂先祖也說文云祔後死者合食於先
付祔俱毀反疏祖也郭云祔付也付新死者於祖廟士
虞記云明日以其班
祔毀廟之主曰祔

即尼也注即猶今也尼者近也尸子曰悅尼而來遠音

義尼本亦作昵同女乙反謝疏尼近言也即

尼定也注尼者止也止亦定疏尼詰為止止即定舍

邇幾暱近也注暱親近也音義幾音機又音疏皆謂殆

者鄭風東門之墀云其室則邇幾者聘義曰日幾中
而後禮成暱者郭云親近也小雅莞柳云無自暱焉

安安坐也注禮記曰安而后傳命音義安郭他回反沈

反疏

安定之坐也注云禮記曰妥而后傳命者案士相見禮曰凡言非對也妥而后傳言鄭注云凡言謂

已為君言事也妥安坐也傳言猶出言也此言禮記曰妥而后傳命者傳寫誤也或所見本異

貉縮綸也注綸者繩也謂牽縛縮貉之今俗語亦然音

義

貉亡白反下同施胡各反綸音倫繩音乘疏注云綸者繩也謂牽縛縮而

言也大雅綿篇云其繩則直縮板以載

貉嘆安定也注皆靜定見詩音義

嘆音莫本亦作莫 疏皆靜定也大雅

皇矣云貉其德音毛傳云貉靜也鄭箋云德正應和曰貉嘆者皇矣文云求民之莫鄭箋云求民之定謂所歸就也貉貉嘆莫音義同安者小雅斯干云乃安斯寢

伊維也注發語辭伊維侯也注詩曰侯誰在矣互相訓

疏皆發語辭轉互相訓却谷風云伊余來暨大雅大明云維此文王小雅六月云侯誰在矣

時寔是也注公羊傳曰寔來者何是來也音義寔音石疏

是此也秦風駟驥云奉時辰牡注云公羊傳曰寔來者何是來也者案春秋桓五年冬州公如曹六年春正月寔來公羊傳曰寔來者何猶曰是人來也引之證寔為是也

卒猷假輟已也注猷假未詳音義卒子恤反又作殽下同猷音由假古雅反

輟丁劣反疏皆謂終已也卒者終壽之已也已音以輟止已也論語云耜而不輟

求首在卒就終也注詩曰嗣先公爾首矣成就亦終也

其餘未詳音義

首在由反又子由反郭音道就如字
或作嘯子六子合二反又作嘯同

皆謂終盡也求者大雅下武云世德作求郭云詩曰嗣先公爾酋矣者大雅卷阿文卒者邛風日月云畜我不

卒就者凡事物成就亦終也

崩薨無祿卒殂落殯死也注古者死亡尊卑同稱耳故

尚書堯曰殂落殯曰陟方乃死音義

堯火弘反殂音徂本又作徂殯於計

反稱尺

疏

此皆死之別稱也曲禮云天子死曰崩諸侯

異死名者為人褻其無知若猶不同然也自上顛壞曰崩薨顛壞之聲卒終也不祿不終其祿死之言漸也精
神漸盡也又曰壽考曰卒短折曰不祿鄭注云祿謂有德行任為大夫士而不為者老而死從大夫之稱少而

死從士之稱此云無祿者即彼之不祿也但落者李巡
曰祖落堯死之稱注云古者死亡尊卑同稱耳故尚書
堯曰祖落舜曰陟方乃死者皆虞書舜典文也謂之祖
落者蓋祖為往也言人命盡而往落者若草木葉落也
殪者案隱九年左傳云喪戎師
前後擊之盡殪杜注云殪死也



爾雅注疏卷一

爾雅注疏卷一考證

釋詁第一○鄭樵曰詁故也古人之言也故從言以古人之言於今有訛轉故作釋詁以五方之言於此有異同故作釋言然古人之言亦有五方之異五方之言亦有古今不同故釋詁釋言二篇雖各有注其義互通

權輿始也注胡不承權輿○詩秦風權輿篇作于嗟乎不承權輿

筵旼旼將業蓆大也注筵義未聞○韓詩云筵彼甫田
詩小雅甫田篇本作倬彼甫田韓詩為筵篇海以為
與單同則又迥非倬義矣鄭樵曰說文云筵草大也
旼日照之所及也

儀若祥淑鮮省臧嘉令類緜穀攻穀介徽善也注省緜

穀未詳其義○

臣照

按詩大雅皇矣篇帝省其山鄭

箋省善也又禮大傳省于其君注善于其君謂免于
大難也緜玉篇善也集韻音森或作縻縻纒衣裳毛

羽垂貌楚辭九懷舒佩兮緜纒木華海賦被羽翮之
褻襪後漢輿服志諸古麗圭褻閨綠加上之服禁絕
之穀孟子羿之教人射必志于穀詩大雅行葦篇敦
弓既句注句穀通射至於穀射之善也

靖惟漢圖詢度咨諏究如慮謨猷肇基訪謀也注如未

詳○臣照按凡曰何如皆謀議未定之辭也如當同

如詩周頌臣工篇來咨來如猷與猶同詩小雅小旻
篇謀猶回遘我視謀猶不我告猶哀哉為猶謀又同

謨淮南引皇皇者華之詩作周爰諮謨

黃髮鯁齒鮐背耆老壽也注鯁齒齒墮更生細者○陸

本墮作隋

允孚亶展謙誠亮詢信也注方言曰荆吳淮泗之間曰

展○謙詩大雅蕩之篇天命匪謙說文作天命匪忱

陸本淮泗作淮汭諸本同作淮泗臣照按方言注曰

汭水名也音芮則應從陸本

粵于爰曰也○鄭樵曰粵亦作越通作曰曰於也臣照

按曰古又通作聿王應麟詩攷楚辭章句引詩大雅
縣之篇作子聿有奔走子聿有先後

故郃盍翁仇偶妃匹會合也○臣照按郃本同洽詩大
雅大明篇在郃之陽注洽水名在同州郃陽夏陽縣
今流已絕故去水而加邑正韻洽合也詩小雅正月
篇洽比其鄰注洽比皆合也

氣諡溢蟄慎貉諡顛顧密寧靜也注氣顛顧未聞其義
○臣照按氣集韻欵去聲說文靜也又息也氣與訖

同又同忤廣韻靜也史記周本紀棄為兒時忤如巨人之志謚石經作謚溢詩周頌維天之命篇假以溢我說文作誠以溢我廣韻作誠以謚我謚同密禮記引周頌昊天有成命篇夙夜其命宥密賈誼新書叔向曰宥謚者寧也顛音蝘說文謹莊貌顧音隗說文頭閑習也注低仰便也廣韻閑習容止也

隕殞湮下降墜標蕪落也○石經殞作碩

命令禧畛祈請謁訊誥告也注禧未聞○臣照按禧本

通釐史記孝文紀祠官祝釐師古注釐本作禧假借
用耳然則禧有告于神明之義故曰告也

矢雉引延順薦劉繹尸旅陳也○陸本矢作戾

尸窠也注謂窠地○鄭樵曰舊注謂窠地非此即寮窠
之窠故亦從窠而下文又申云窠寮官也臣照按鄭

樵之意以下文窠寮官也寮官二字連讀郭璞注曰
官地為窠同官為寮則窠與寮各為句而以官也二
字解之若然則兩窠字不應覆舉矣故鄭樵不從之

永義引延融駿長也注義所未詳○韓詩外傳引漢廣之詩江之漾矣薛濟曰漾長也說文作漾

犯奢果殺剋捷功肩堪勝也注陵犯誇奢果殺皆得勝也書曰西伯堪黎○陸本誇作夸果作慄黎作鬻鄭樵曰堪亦作戲

疊疊蠱沒孟敦勗釗茂勗勉也注釗孟未聞○臣照按楊子方言釗薄勉也秦晉曰釗自闕而東周鄭之間曰勗釗齊魯曰勗茲又周書釗我周王當是勉意

鄭樵曰孟即賢也皆方俗之語又廣韻勉也班固幽
通賦盍孟晉以迨羣辰倏忽其不再注孟進勉進也
猶猛進也

台朕賚畀卜陽予也○

臣照

按台同貽又同飴詩周頌

思文篇貽我來年漢書作飴我釐麩又按朕陽無與
字義賚畀卜無余字義兩不相蒙鄭樵曰據予本予
我之予又為賜予之予樵疑此當言台朕陽予也謂
我也賚畀卜予也謂與也以二字同文故誤耳其說

亦通

肅延誘薦餞晉寅蓋進也注寅未詳○臣照按書臯陶

謨同寅協恭今以寅為敬義則同寅即是協恭不須
複說若作進解則同進而協恭于理為長

旻旻皇皇藐藐穆穆休嘉珍禕懿鑠美也○石經禕作
禕張衡東京賦漢帝之德侯其禕而註美也

闕闕囃囃音聲和也○鄭樵曰據二文一義者皆當在
釋訓部恐誤在此

從申神加弼崇重也注神所未詳○臣照按神又作神
與伸同集韻神物長也伸申也易繫辭曰神而明之
存乎其人又氣之申者為神

擎斂屈收戢蒐袞鳩樓聚也○鄭樵曰蒐通作搜樓通
作樓

壑阮阮滕徵隍濂虛也注滕徵未詳○鄭樵云阮有二
文無義其一為衍者耳臣照按滕易咸卦滕口說也
騁虛辭為滕其口說則滕有虛義

恙寫惺盱繇慘恤罹憂也○鄭樵曰繇通作搖詩王風
云中心搖搖

倫勩邛敕勤愉庸瘁勞也○石經勩作勩鄭樵曰愉心
勞也或云愉即瘁也

勞來強事謂翦篲勤也注翦篲未詳○鄭樵曰來賚也
謂賚其勤也強勉也事有所事也翦篲未詳臣照按

左傳戎子駒支曰我諸戎除翦其荆棘驅其狐狸豺
狼以為先君不侵不畔之臣至於今不貳史記列傳

騶子適趙平原君側行褻席如燕昭王擁篲先驅除
翦擁篲皆古人服勤之事故曰勤也

祿祉履戩被禧禔祐福也注詩曰被祿康矣禔禧書傳

少見其義未詳○臣照按今詩作第祿爾康矣然則

第祿古通也禔張衡東京賦祈禔禳災禧通釐賈誼
傳上方受釐宣室注言受神之福

喙幾莪殆危也注喙莪未詳○臣照按禮禮運鳳以為

畜故鳥不喬注喬又作孺驚飛貌疑喬與喙同莪禮

記中庸裁及其身者也詩大雅召旻篇不裁我躬然則裁固危義

治肆古故也注治未詳○鄭樵曰治疑為始

肆故今也○鄭樵曰此各隨詩書之文有其義故展轉釋之

埤笮腹厚也○笮鄭樵作笮注笮與篤同古文工即馬字

鞠訕溢盈也○鄭樵曰訕無盈義但引文耳

訖徽安懷安按替戾底廢尼定曷遏止也注徽未詳○

臣照

按易坎卦繫用徽纆說文徽三糾繩也玉篇徽

大索也然則徽有止義

豫射厭也注豫未詳○

臣照

按書太甲王懋乃德視乃

烈祖無時豫怠然則豫有厭義鄭樵曰豫怠也射即
斃也

桎梗較頰庭道直也○

臣照

按郭注云皆正直也而邢

疏未申其說鄭樵曰桎未聞今考禮緇衣引詩有桎

德行射義棲皮曰鵠注鵠之言桔桔直也言人正直
乃得中也梗木之正直者周禮天官女祝以時招梗
檜禳以除時疾鄭樵曰梗即鯁亮之鯁較詩衛風淇
澳篇猗重較兮注兩轆上出軾者廣韻與校通集韻
豆中央直者為校鄭樵曰較所謂較然也頤說文狹
頭頤也當是彊項不屈之貌道王應麟詩攷周詩周
道挺挺又小雅大東篇周道如砥其直如矢然則皆
有直義

弼棊輔比備也。注書曰：天威棊忱。○臣照按：今本作天
畏棊諶，威畏通用。如洪範：威用六極。史宋世家引作
畏用書。天明畏，即明威。詩蠻荆來威，畏也。陸本忱作

諶

昌敵彊，應丁當也。○陸本彊作墻。

嗟咨髡也。○鄭樵本髡作髮。

閑狎串貫，習也。○陸本貫作慣。

拒拭刷清也。○鄭樵曰：拒即振也。

鴻昏於顯間代也注於義未詳。○臣照按鴻昏於顯四

字為句間代也三字為句古字於同鳥歎辭曰於戲亦曰烏虜可驗於篆文本象鳥形今但以為歎辭及語辭遂無以為鴉烏字者矣鴻以秋來以春去故曰昏烏以曉鳴以暮集故曰顯間代之義也

衛蹶假嘉也注詩序曰假樂嘉成王也餘未詳。○鄭樵曰時俗訝其物則曰衛蹶與衛亦不相遠但方俗語有差耳

棲遲憇休苦屺隸四息也○石經憇作憇

郡臻仍迺侯乃也注迺即乃餘未詳○鄭樵曰臻重至也侯維也維亦乃也乃引詞也不絕之義也

歷傳也○臣照按上文云歷秭算數也又申之曰歷敷

也傳與敷同五經文字曰敷經典相承隸省作敷書

舜典敷奏以言前漢書宣帝紀傳奏其言注師古曰

傳讀曰敷詩商頌長發篇敷奏其勇大戴禮作傳奏

其勇敷傳通用者多矣此節蓋申上文之義謂天官

家之法從一而衍之至于萬億及秭有數義焉郭注
邢疏以附近解之似失其意

艾歷覲胥相也注艾歷未詳○鄭樵曰艾即乂也察乂
治也歷編閱也胥共視也皆有相視之義

乂亂靖神弗渥治也注神未詳○臣照按王應麟詩攷
戰國策引小雅菀柳篇上天甚神無自瘵也今文作
甚蹈然則神有治義

際接翼捷也疏翼者未詳○臣照按翼說文捷也飛之

疾也按六書正譌巽別作𦉳所甲反捷也集韻又與
雲書同左思吳都賦靱雲驚捷注靱雲走捷貌馬融
廣成頌雲爾電落亦言捷也俗語謂瞬息為一雲

馘穉獲也注獲禾為穉○陸本獲作獲

元良首也注良未聞○鄭樵曰元從上從人其文象人
身之首也良未聞臣照按書太甲一人元良故曰首

也元良二字連讀郭鄭邢俱讀斷遂致良不得為首

義

賡揚續也注揚未詳○臣照按書曰賡揚文武之光命

蓋正釋此賡揚字言賡揚即繼續也郭邢皆讀斷遂

致揚無續義

絡縮綸也○臣照按縮釋器繩之謂之縮之注縮者約

束之博物志綸似宛轉繩然則此絡字當作絡字解

絡亦纏繞束縛也郭注云今俗語亦然然則絡縮二

字亦應連讀北魏顏之推家訓引時諺有絡索阿姑

餐之語則絡縮誠古諺字轉為絡索耳不應音陌

求箇在卒就終也注詩曰嗣先公爾箇矣成就亦終也
餘未詳○陸本求作球終作終鄭樵曰求下武世德
作求卷阿云嗣先公爾箇矣在未詳臣照按嗣先公
爾箇矣詩經作似先公箇矣無爾字在當是詩小雅
小弁篇天之生我我辰安在之在

爾雅注疏卷一考證